

**Cofnodion Cyfarfodydd â Staff a Llywodraethwyr**

- Cyfarfod Staff Ysgol Gynradd Allensbank (10 Mai 2023)
- Cyfarfod Corff Llywodraethu Ysgol Gynradd Allensbank (10 Mai 2023)
- Cyfarfod Staff Ysgol Gynradd Gladstone (11 Mai 2023)
- Cyfarfod Corff Llywodraethu Ysgol Gynradd Gladstone (11 Mai 2023)
- Cyfarfod Staff Ysgol Gynradd yr Eglwys yng Nghymru Santes Monica (17 Mai 2023)
- Cyfarfod Corff Llywodraethu Ysgol Gynradd yr Eglwys yng Nghymru Santes Monica (17 Mai 2023)
- Cyfarfod Staff Ysgol Mynydd Bychan (18 Mai 2023)
- Cyfarfod Corff Llywodraethu Ysgol Mynydd Bychan (18 Mai 2023)



**Schools Programme  
Cofnod y Cyfarfod Staff  
Ysgol Gynradd Allensbank  
10 Mai 2023, 3:35pm – 5:25pm**



**Yn bresennol:** Richard Portas (CTY), Michele Duddridge-Friedl (CTY), Brett Andrewartha (CTY), Zoe Spencer-Biggs (AD), Ceri Tanti (CTY), Staff Ysgol Gynradd Allensbank

*Sylwer: Nid trawsgrifiad yw'r canlynol, ond nodyn o'r cyfarfod a wnaed ar y pryd.*

### **Croeso a Chyflwyniadau**

Agorodd Richard Portas (RP) y cyfarfod a chroesawodd y staff.

Roedd y cyfarfod yn rhan o'r cam cyntaf o'r ymgynghoriad ffurfiol ar newidiadau a gynhigiwyd i leoedd ysgol gynradd i wasanaethu Cathays a rhannau o Gabalfa, y Mynydd Bychan, Ystum Taf a Phlasnewydd. Mae'r cynigion yn cynnwys newidiadau i Ysgol Gynradd Allensbank, Ysgol Gynradd Gladstone, Ysgol Gynradd yr Eglwys yng Nghymru Santes Monica ac Ysgol Mynydd Bychan o Fedi 2025. Mae dau ymgynghoriad yn cael eu cynnal ar yr un pryd; mae'r Cyngor yn cynnal yr ymgynghoriad sy'n ymwneud â'r ysgolion cymunedol, a hefyd yn cefnogi'r ail ymgynghoriad ar ran Ysgol Santes Monica.

Dywedodd RP fod y cyfarfod yn gyfle i staff rannu eu barn, ond y byddai cyfleoedd eraill; caiff staff siarad â staff CTY (Cynllun Trefniadaeth Ysgolion) yn unigol, os yw'n well ganddynt, llenwi'r ffurflen ar-lein, neu roi adborth fel grŵp os ydynt yn dymuno gwneud hynny. Yn ogystal, mae nifer o sesiynau galw heibio ar-lein ac wyneb yn wyneb a chyfarfodydd cyhoeddus.

Roedd nodiadau'n cael eu cymryd ar y pryd a byddent yn ffurfio rhan o adborth yr ymgynghoriad.

### **Beth sy'n cael ei gynnig?**

Cafwyd cyflwyniad gan Brett Andrewartha (BA) yn nodi manylion y cynnig:

- Beth sy'n cael ei gynnig?
- Pam cynigir y newidiadau
- Pwy sy'n ymgynghori
- Cyd-destun penodol i'r ardal
- Niferoedd diweddar ac yn y dyfodol
- Lleoedd cyfrwng Saesneg
- Lleoedd cyfrwng Cymraeg
- Data dyraniadau derbyn diweddar - Ysgolion Cymunedol Lleol
- Derbyn i ysgolion: Dyraniad Dosbarth Derbyn Medi 2023 (Ysgolion Cymunedol a Ffydd Lleol)
- Data Demograffig
- Ansawdd a Safonau Ysgolion
- Opsiynau a gynigir 1, 2 a 3
- Ffederasiwn a Chydweithio

- Anghenion Dysgu Ychwanegol (ADY)
- Manteision Addysgol
- Effaith Ariannol y Cynigion
- Ystyriaethau Eraill
- Beth sy'n digwydd nesaf?

Nodwyd bod rhai o'r niferoedd yn y cyflwyniad yn anodd eu gweld ar y sgrin a chytunwyd y gallai'r pennaeth Jenny Drogan (JD) ddsbarthu'r cyflwyniad i staff drwy e-bost.

Mae rhagor o fanylion ar gael yn y ddogfen ymgynghori lawn sydd ar gael ar-lein.

Rhoddodd Zoe Spencer-Biggs (ZSB) gyflwyniad yn nodi gwahanol oblygiadau Adnoddau Dynol y tri opsiwn a gynigir. Dywedodd ZSB wrth y staff y byddai Adnoddau Dynol, pe bai'r cynigion yn cael eu datblygu, yn rhoi cymorth iddynt drwy'r proses.

Cynigiodd ZSB gael cyfarfod AD ar wahân gyda'r ysgol pe byddai'n ddefnyddiol iddynt. Cytunodd JD y byddai hyn yn ddefnyddiol, ac y byddai'n trefnu hyn gyda ZSB.

## Holi ac Ateb

Gwahoddodd RP gwestiynau gan staff.

Nodir y pwyntiau a godwyd mewn *print italaidd* isod ac maent wedi'u grwpio yn ôl y pwyntiau a godwyd lle bo hynny'n briodol.

Gellir gweld ymateb y swyddog oddi tanynt.

## Ariannu

- *Ydy disgyblion yn cael eu hariannu'n well y pen mewn ysgolion Cymraeg? A oes unrhyw grantiau ychwanegol?*
- *Mae nifer o ysgolion yn dangos diffyg, ond mae'r ffigyrau yn y cyflwyniad yn dangos bod gan Ysgol Mynydd Bychan warged mawr. Sut maen nhw mewn sefyllfa cymaint gwell?*
- *Yn gyffredinol, mae'r disgyblion sy'n mynychu Ysgol Mynydd Bychan yn dod o deuluoedd mwy cefnog na disgyblion Allensbank. A yw hyn wedi cael effaith ar y cyllid y mae'r ysgol wedi ei dderbyn, o ran arian a godwyd gan y Gymdeithas Rhieni ac Athrawon ac ati?*
- *Pam nad oes opsiwn i ddileu diffyg gyllidebol yr ysgol?*

Caiff disgyblion eu hariannu ar yr un lefel, waeth beth fo'r cyfrwng dysgu.

Nodwyd na fyddai cronfeydd yn cael eu cynnwys yn y ffigurau ariannol a ddangosir, fodd bynnag, mae'n bosibl bod y Gymdeithas Rhieni ac Athrawon yn Ysgol Mynydd Bychan wedi ariannu pethau ar gyfer yr ysgol a byddai hynny wedi arbed yr ysgol rhag gwario.

Nid yw'n bosibl dileu diffyg cyllidebol Allensbank oni bai bod yr ysgol yn cael ei chau.

## Dolen i Ddogfennau'r Ymgynghoriad

- *Mae rhieni Allensbank yn siarad amrywiaeth o ieithoedd ar wahân i'r Gymraeg/Saesneg. Ym mha ieithoedd y bydd y ddogfen ymgynghori ar gael?*
- *A fydd fersiwn sain ar gael i'r rhai y mae eu lefel llythrennedd yn isel?*
- *Beth os nad oes gan rieni fynediad at y rhyngwrwyd?*

Cyn yr ymgynghoriad gofynnwyd i ysgolion am yr ieithoedd a fyddai'n fwyaf defnyddiol i'w rhieni. Awgrymodd Allensbank saith iaith. Bydd dogfen â throsolwg o'r ymgynghoriad yn cael ei chyfieithu i naw iaith. Mae hyn yn y broses o ddigwydd a bydd y cyfieithiadau yn cael eu hanfon ymlaen i'r ysgolion sy'n ymwneud â'r cynigion cyn gynted â phosibl. Mae'r dyddiad ymgynghori wedi'i ymestyn i sicrhau y bydd rhieni'n cael cyfle i ddarllen y trosolwg wedi'u chyfieithu a chael digon o amser i ymateb.

Yn ogystal, darparwyd testun i'r ysgolion er mwyn iddynt gyfathrebu â'u rhieni gan ddefnyddio dulliau cyfathrebu arferol yr ysgolion sy'n caniatáu cyfieithu, fel Dosbarth Dojo a Schoop.

Nid oes fersiwn sain ar gael, fodd bynnag, ond os oes galw amdano, gellid ystyried hyn. Mae amrywiaeth o gyfleoedd ymgynghori i rieni, ar-lein ac wyneb yn wyneb, sy'n golygu nad oes angen mynediad at y rhyngwrwyd er mwyn i bobl ymateb. Mae'r rhain yn amrywio o gyfarfodydd cyhoeddus i sesiynau ar-lein un-wrth-un neu sesiynau galw heibio yn y llyfrgell leol. Mae swyddogion hefyd yn gwneud ymholiadau er mwyn cael mynediad at grwpiau lleol.

## **Estyn**

- *Holwyd a yw ysgolion cyfrwng Cymraeg yn cael eu harolygu gan Estyn yn llai aml, gan fod dyddiad ymweliad Estyn diwethaf Ysgol Mynydd Bychan yn 2015.*

Nid yw ysgolion cyfrwng Cymraeg yn cael eu harolygu'n llai aml. Ond, 2015 oedd dyddiad arolwg diwethaf Ysgol Mynydd Bychan.

## **Cydraddoldeb**

- *Mynegwyd pryder ynglŷn â chyfansoddiad ethnig Cabinet y Cyngor, bod diffyg amrywiaeth ethnig.*
- *Mynegwyd pryder ynghylch annog yr adborth gan unigolion o leiafrifoedd ethnig, gan eu bod yn aml yn teimlo nad ydynt yn gallu ymgysylltu.*

Rhodddwyd sicrwydd bod amrywiaeth ethnig yn y Cabinet. Mae manylion y cynghorwyr sy'n rhan o'r Cabinet ar gael ar wefan y Cyngor.

O ran annog adborth gan staff a rhieni o leiafrifoedd ethnig, cynigiwyd sesiynau AD ychwanegol a chymerwyd mesurau i helpu i annog adborth gan rieni ac aelodau o'r gymuned o leiafrifoedd ethnig eisoes wedi'u hamlinellu.

## **Lles Disgyblion**

- *Pa ystyriaeth sydd wedi'i rhoi i les staff a disgyblion? Mae'r ysgol wedi dioddef blynyddoedd o aflonyddwch sylweddol yn sgil gwaith adeiladu, yn ogystal â'r*

*cynnwrf yn sgil Covid. Roedd yn ymddangos bod y cynnwrf yn dod i ben o'r diwedd, ac wedyn dyna'r cynigion hyn yn cael eu cyflwyno.*

- *A fyddai'n rhaid i'r plant fynd trwy gynnwrf gwaith adeiladu pellach, yn ogystal â'r cynnwrf o symud ysgol?*
- *Teimlo ei bod yn annheg disgwyl i'r plant symud i adeilad newydd, a allai gael ei staffio gyda dieithriaid gan nad oes sicrwydd y bydd staff yn llwyddo i gael rôl. Bydd disgyblion a'u teuluoedd yn gweld hyn yn frawychus.*

Mae'r Cyngor yn ymwybodol o'r cynnwrf y mae'r ysgol wedi'i wynebu. Mae'r broses ymgynghori yn hir a bydd hynny'n caniatáu pontio. Cynigiwyd cyfarfodydd AD ychwanegol ar gyfer yr ysgol a gellir trafod cymorth posibl yn y cyfarfodydd hyn.

Byddai rhywfaint o waith adeiladu pellach, ond y bwriad yw cwblhau'r gwaith presennol cyn y dyddiad arfaethedig y byddai'r ysgolion adleoli. Pe bai disgyblion Allensbank yn symud i adeilad gwahanol does dim disgwyl y byddai gwaith adeiladu sylweddol yn digwydd yno.

### **Pryderon cysylltiedig â Phrosesau AD**

- *Byddai opsiwn un yn golygu bod yn rhaid i staff ailymgeisio am eu swyddi. Mae hynny'n teimlo'n anfoesegol ac yn hynod chwithig, gan y byddai'r ysgol ond yn symud i safle newydd?*
- *Os bydd Opsiwn un yn mynd yn ei flaen gyda chorff llywodraethu newydd, mae'n debygol y bydd cadeirydd y corff llywodraethu yn un o'r cadeiryddion presennol. A yw hyn yn golygu y bydd staff a ddaeth o'r ysgol honno yn wreiddiol o fantais?*
- *Beth yw amserlen y broses Adnoddau Dynol? Oherwydd, pe bai Opsiwn un yn digwydd, a fyddai angen recriwtio tra bo'r ysgolion presennol yn dal ar agor?*
- *Byddai diswyddiadau o dan bob Opsiwn.*
- *A fydd proses recriwtio lawn yn cael ei chynnal?*

Dan Opsiwn Un byddai rhaid i staff ailymgeisio am eu swyddi gan nad symud i safle newydd yn unig y maen nhw. Byddai Allensbank a Gladstone yn cau'n ffurfiol a byddai ysgol newydd yn agor yn eu lle. Mae'n ofynnol i Gorff Llywodraethu ysgol recriwtio'r staff felly byddai angen i'r holl staff ymgeisio. O dan Opsiwn dau, ni fyddai angen i unrhyw staff ailymgeisio am swyddi oni bai bod ffederasiwn yn cael ei ystyried - yn yr achos hwnnw, byddai angen i'r uwch arweinyddiaeth bresennol (h.y., penaethiaid a dirprwyon) ailymgeisio am eu swyddi. O dan opsiwn tri, ni fyddai angen i unrhyw staff ailymgeisio am swyddi, fodd bynnag, byddai maint Allensbank yn lleihau, felly efallai y bydd angen newidiadau i'r strwythur staffio.

Os bydd Opsiwn un yn digwydd, byddai corff llywodraethu yn cael ei sefydlu ar gyfer yr ysgol newydd. Gall Cadeirydd y Llywodraethwyr fod yn llywodraethwr o un o'r ysgolion presennol, ond nid yw hynny i ddweud mai'r unigolyn hwnnw fyddai'r cadeirydd presennol, nac yn wir llywodraethwr sydd â chysylltiad personol â'r ysgol. Er enghraifft, gallai'r cadeirydd fod yn llwyodraethwr Awdurdod Lleol neu'n Llywodraethwr Cymunedol.

Pe bai opsiwn un yn mynd yn ei flaen, byddai'r corff llywodraethu yn cael ei sefydlu yng Ngwanwyn 2024. Cytunwyd y byddai ZSB yn darparu llinell amser ar gyfer y digwyddiadau AD i bob opsiwn gyda'r pennaeth wedyn yn ei throsglwyddo i'r staff.

O dan opsiwn un byddai'n rhaid i staff ymgeisio am swyddi yn yr ysgol newydd. Gall rhai staff ddewis ystyried diswyddo gwirfoddol neu ofyn am gael eu rhoi ar y rhestr adleoli neu gallant wneud hynny os nad ydynt yn llwyddo i sicrhau swydd yn yr ysgol newydd. O dan yr opsiynau eraill byddai angen ystyried strwythurau staffio pob ysgol.

Os bydd opsiwn un yn mynd yn ei flaen ac mae angen i staff ymgeisio, byddai angen cwblhau ceisiadau er mwyn i'r broses fod yn deg a thryloyw.

### **Dewisiadau Eraill**

- *Gofynnodd staff a fyddai modd cyflwyno opsiynau ychwanegol?*
- *Pam nad oes opsiwn i'r ysgol cyfrwng Saesneg/dau ddosbarth gael ei lleoli yn Allensbank? Mae llawer o fanteision i'r safle hwn dros safle Gladstone/St Monica, megis argaeledd parcio. Hyd yn oed os yw'r safle ychydig ymhellach i ddisgyblion gerdded mae'r cynnydd yn fach iawn, dim mwy nag ychydig funudau o bellter cerdded ychwanegol.*
- *Mae staff yn ymwybodol o faterion eraill gydag adeilad presennol Santes Monica ar wahân i'r gwaith maen parhaus, megis problemau gyda'r carthffosydd a'r llygod mawr.*
- *Teimlo bod gan blant a staff Allensbank hawliau cyfartal i'r rhai yn Gladstone a dylai cynnal ysgol newydd yn Allensbank fod wedi cael ei ystyried fel opsiwn.*
- *A fyddai'n bosibl cyflwyno deiseb?*
- *Yn realistig, faint y mae'r cynigion yn cael eu dylanwadu gan adborth?*

Er na ellir ymgynghori ar opsiynau eraill o fewn y cyfnod ymgynghori hwn, byddai'n bosibl awgrymu model arall fel rhan o ymateb i'r ymgynghoriad. Argymhellir rhoi cymaint o adborth â phosibl, yn enwedig gan gasglu barn teuluoedd disgyblion.

Roedd Allensbank fel y safle ar gyfer cyfrwng Saesneg yn opsiwn a ystyriwyd cyn lleihau nifer yr opsiynau a aeth allan i ymgynghoriad cyhoeddus. Diystyriwyd hwn oherwydd demograffeg poblogaethau'r ysgolion, gan fod mwy o'r disgyblion presennol yn byw yn rhan ddeheuol y dalgylchoedd cyfun, ac felly byddai ganddynt bellter cerdded hirach i Allensbank na Gladstone.

Byddai'n bosibl cyflwyno deiseb. Byddai deiseb yn cael ei nodi ar wahân. Nodir llythyrau proforma fel x o enghreifftiau o lythyr proforma yn hytrach na sawl llythyr gwahanol sy'n codi'r un mater.

Ystyrir adborth o ymgynghoriadau pan fydd y Cabinet yn penderfynu a ddylid bwrw ymlaen â'r cynigion. Mae nifer yr ymatebion yn llai pwysig na'r ansawdd; Os codir rhesymau da sy'n herio p'un a ddylid mynd ymlaen gyda'r cynnig, byddai gan hyn fwy o bwysau na nifer fawr o ymatebion sy'n nodi rhesymau llai cryf.

### **Darpariaeth Feithrin**

- *Oes gan Gladstone ddosbarth meithrin?*

Ar hyn o bryd mae gan Ysgol Gynradd Gladstone ddosbarth meithrin. O dan opsiwn dau, cynigir bod nifer y lleoedd yn nosbarth meithrin Gladstone yn cynyddu, oherwydd trwy symud i'r safle a rennir ni fyddai lle i ddau ddosbarth meithrin.

## Cwestiynau eraill ynglŷn â'r broses ymgynghori

- *A allai Santes Monica atal yr opsiynau hyn rhag symud ymlaen, gan eu bod yn berchen ar eu safle eu hunain?*
- *Pam y rhoddwyd opsiwn un yn gyntaf? Ai dyma'r opsiwn a ffefrir gan y cyngor?*

Gallai. Gallai Santes Monica gytuno i beidio â bwrw ymlaen ag unrhyw newidiadau i'w hysgol. Fodd bynnag, maent wedi cytuno i fod yn rhan o'r ymgynghoriad ar y newidiadau arfaethedig. Gallai Santes Monica fod wedi dewis cynnal eu hymgyngoriad eu hunain ond yn hytrach mae wedi cytuno i'r Cyngor ei wneud ar eu rhan.

Nac ydy, nid oes gan y Cyngor opsiwn a ffefrir.

## Cwestiynau eraill

- *Faint y mae'r holl sgaffaldiau o amgylch yr adeilad wedi'i gostio?*

Nid yw'r ffigur wrth law, ond mae ceisiadau Rhyddid Gwybodaeth wedi'u cyflwyno yn gofyn am y ffigurau. Roedd angen y sgaffaldiau i sicrhau nad oedd y gwaith maen yn disgyn o'r adeilad ac yn achosi anaf difrifol.

## Camau Gweithredu a Gytunwyd

- **Pennaeth JD i gysylltu â ZSB (AD) i drefnu cyfarfod ychwanegol ar gyfer staff.**
- **JD i anfon y cyflwyniad i staff er mwyn iddynt allu gweld manylion y tablau a ddangosir ar y sgrin yn y cyfarfod.**
- **Bydd fersiynau wedi'u cyfieithu o'r dogfennau ymgynghori yn cael eu hanfon i'r ysgolion cyn gynted ag y byddant ar gael er mwyn iddynt gael eu darparu i rieni.**
- **ZSB i ddarparu llinell amser i'r pennaeth ei throsglwyddo i'r staff gyda goblygiadau yr opsiynau o ran Adnoddau Dynol.**
- **RP i ddarparu manylion am gost y sgaffaldiau sydd wedi bod yn Ysgol Gynradd Allensbank**

Diolchodd RP i'r staff a daeth y cyfarfod i ben.



**Schools Programme**  
**Cofnod Cyfarfod y Llywodraethwyr**  
**Ysgol Gynradd Allensbank**  
**10 Mai 2023, 5:30pm – 7:20pm**



**Yn bresennol:** Richard Portas (CTY), Michele Duddridge-Friedl (CTY), Brett Andrewartha (CTY), Zoe Spencer-Biggs (AD), Ceri Tanti (CTY), Staff Ysgol Gynradd Allensbank

*Sylwer: Nid trawsgrifiad yw'r canlynol, ond nodyn o'r cyfarfod a wnaed ar y pryd.*

### **Croeso a Chyflwyniadau**

Agorodd Richard Portas (RP) y cyfarfod a chroesawodd y llywodraethwyr.

Roedd y cyfarfod yn rhan o gam un o ymgynghoriad ffurfiol ar newidiadau a gynigir i leoedd ysgol gynradd i wasanaethu Cathays a rhannau o Gabalfa, y Mynydd Bychan, Ystum Taf a Phlasnewydd. Mae'r cynigion yn cynnwys newidiadau i Ysgol Gynradd Allensbank, Ysgol Gynradd Gladstone, Ysgol Gynradd yr Eglwys yng Nghymru Santes Monica ac Ysgol Mynydd Bychan o Fedi 2025. Mae dau ymgynghoriad yn cael eu cynnal ar yr un pryd; mae'r Cyngor yn cynnal yr ymgynghoriad sy'n ymwneud â'r ysgolion cymunedol, a hefyd yn cefnogi'r ail ymgynghoriad ar ran Ysgol Santes Monica.

Roedd y cyfarfod yn gyfle i lywodraethwyr rannu eu barn, ond byddai cyfleoedd eraill hefyd; gall llywodraethwyr siarad â staff CTY (Cynllun Trefniadaeth Ysgolion) yn unigol, os yw'n well ganddynt, llenwi'r ffurflen ar-lein, ac mae disgwyl y bydd y corff llywodraethu yn ymateb yn ffurfiol i'r ymgynghoriad. Yn ogystal, mae nifer o sesiynau galw heibio ar-lein ac wyneb yn wyneb a chyfarfodydd cyhoeddus.

Roedd nodiadau'n cael eu cymryd ar y pryd a byddent yn ffurfio rhan o adborth yr ymgynghoriad. Gofynnodd un o'r llywodraethwyr am gopi o nodiadau'r cyfarfod. Cytunwyd y byddai'r rhain yn cael eu darparu ond y byddant hefyd yn cael eu cyhoeddi fel mater o drefn, yn yr un modd ag y maent ym mhob ymgynghoriad CTY. Mae'r nodiadau a gymerwyd yn nodiadau ar y pryd, felly nid ydynt yn air am air, ond dylent gynnwys y sylwadau a godwyd yn ystod y cyfarfod.

Gofynnodd y llywodraethwr am ddolen i'r nodiadau o gyfarfod y llywodraethwr a gynhaliwyd fel rhan o'r ymgynghoriad ar gynigion blaenorol, a chytunwyd y byddai hyn yn cael ei ddarparu.

### **Beth sy'n cael ei gynnig?**

Cafwyd cyflwyniad gan Brett Andrewartha (BA) yn nodi manylion y cynnig:

- Beth sy'n cael ei gynnig?
- Pam cynigir y newidiadau
- Pwy sy'n ymgynghori
- Cyd-destun penodol i'r ardal
- Niferoedd diweddar ac yn y dyfodol
- Lleoedd cyfrwng Saesneg



- Lleoedd cyfrwng Cymraeg
- Data dyraniadau derbyn diweddar - Ysgolion Cymunedol Lleol
- Derbyn i ysgolion: Dyraniad Dosbarth Derbyn Medi 2023 (Ysgolion Cymunedol a Ffydd Lleol)
- Data Demograffig
- Ansawdd a Safonau Ysgolion
- Opsiynau a gynigir 1, 2 a 3
- Ffederasiwn a Chydweithio
- Anghenion Dysgu Ychwanegol (ADY)
- Manteision Addysgol
- Effaith Ariannol y Cynigion
- Ystyriaethau Eraill
- Beth sy'n digwydd nesaf?

Nodwyd yr oedd rhai o'r niferoedd yn y cyflwyniad yn anodd i staff eu gweld ar y sgrin yn y cyfarfod cynharach. Byddai'r Pennaeth Jenny Drogan (JD) yn anfon y cyflwyniad i staff a gallai hefyd anfon y cyflwyniad i lywodraethwyr drwy e-bost pe bai gofyn am hynny.

Mae rhagor o fanylion ar gael yn y ddogfen ymgynghori lawn sydd ar gael ar-lein.

Rhoddodd Zoe Spencer-Biggs (ZSB) gyflwyniad yn nodi gwahanol oblygiadau Adnoddau Dynol y tri opsiwn a gynigir. Dywedodd ZSB wrth y llywodraethwyr y byddai Adnoddau Dynol, pe bai'r cynigion yn cael eu datblygu, yn rhoi cymorth i staff drwy'r proses.

Dywedodd ZSB ei bod wedi cytuno yn ystod y cyfarfod staff i gynnal cyfarfod AD ar wahân gyda nhw. Dywedodd JD fod staff wedi bod yn bryderus iawn am y cynigion, ac efallai y bydd gan rai bryderon preifat yr hoffent eu codi gydag AD.

## Holi ac Ateb

Gwahoddodd RP gwestiynau gan y llywodraethwyr.

Nodir y pwyntiau a godwyd mewn *print italaidd* isod ac maent wedi'u grwpio yn ôl y pwyntiau a godwyd lle bo hynny'n briodol.

Gellir gweld ymateb y swyddog oddi tanynt.

## Lleoedd Ysgolion

- *Mae'r cyflwyniad yn dangos y dewisiadau cyntaf a fynegwyd ar gyfer Ysgol Mynydd Bychan, rhai ohonynt heb gael lleoedd. A fyddai'r ail ddewis yn lle cyfrwng Cymraeg neu'r cyfrwng Saesneg agosaf?*
- *Oes rhaid i blant sy'n byw yn nalgylch Ysgol Mynydd Bychan ac sy'n mynychu addysg cyfrwng Cymraeg deithio allan o ddalgylch?*
- *Yn y blynyddoedd cynt roedd gan Ysgol Mynydd Bychan 15 plentyn yn y dalgylch a fu'n aflwyddiannus gyda'u cais am le, ond y llynedd dim ond 2 fu'n aflwyddiannus. O le bydd y plant ychwanegol yn dod o i lenwi dosbarth mynediad ychwanegol?*
- *Oes 'na risg y bydd ehangu YMB yn peryglu ysgolion Cymraeg eraill?*

- *O le y bydd y plant yn dod? Bydd unrhyw blant ychwanegol sy'n mynychu cyfrwng Cymraeg yn dod o naill ai ysgolion Saesneg neu'n gadael ysgolion cyfrwng Cymraeg eraill?*
- *Ydy hi'n bwysicach cael y manau ychwanegol yn Gymraeg, neu i'w llenwi? Os yw'r gyfradd genedigaethau yn gostwng, mae'n ymddangos yn anghyfiawnadwy llenwi dosbarth mynediad arall.*
- *Mae'n anffodus bod yr ysgol dan sgaffaldiau cyhyd, gan fod hyn wedi gwneud yr ysgol yn llai apelgar i rieni. Nid yw Allensbank wedi cael y cyfle i niferoedd ar y gofrestr adfer.*

Mae'r ail ddewis yn dibynnu ar ddewis rhieni. Yn y gorffennol fe wnaeth rhai rhieni yn y dalgylch a fethodd â chael lle yn Ysgol Mynydd Bychan ddewis llefydd cyfrwng Cymraeg ymhellach oddi cartref, ac yna cawson nhw drafferth gydag anfon brawd neu chwaer iau i'r un ysgol. Does gan Ysgol Mynydd Bychan ddim llefydd sbâr yn y grwpiau oedran hŷn felly os gall brawd neu chwaer iau gael lle yn yr ysgol fel arfer does dim lle i'r un hŷn symud, sy'n golygu y gall teuluoedd fod mewn sefyllfa lle nad ydyn nhw'n gallu dod o hyd i le i'w holl blant mewn un ysgol Gymraeg.

Yn yr ardal ehangach, dim ond 11 lle gwag sydd ar hyn o bryd yn Nosbarthiadau Derbyn yr ysgolion cyfrwng Cymraeg ym mis Medi 2023. Nid oes digon o leoedd ar gyfer y galw yng Ngogledd / Canol Caerdydd. Pe bai ffiniau dalgylch yn cael eu symud byddai yna lefydd ychwanegol ond dim digon i ateb y galw neu i dyfu cyfrwng Cymraeg fel y targedir.

Mae perygl y gallai cynyddu lleoedd yn Ysgol Mynydd Bychan arwain at lai o blant yn mynychu ysgolion Cymraeg eraill. Felly, byddai angen i ni weithio i gynyddu cyfran y plant sy'n mynychu cyfrwng Cymraeg, drwy wella gwelededd a chofrestriadau. Mewn rhai ardaloedd, gallai fod twf yn y boblogaeth o deuluoedd sy'n symud i mewn, megis mewn ardaloedd lle mae datblygiad tai newydd.

Yn y gorffennol ni fyddai Ysgol Mynydd Bychan wedi gallu mynd ati i hyrwyddo eu hysgol, gan eu bod mewn sefyllfa o orfod gwrthod plant o'r dalgylch. Gwnaed ymchwil mewn rhan arall o'r ddinas, a chanfuwyd bod credoau anwir ymhlith rhieni, gyda rhai yn meddwl mai addysg breifat oedd cyfrwng Cymraeg, neu fod yn rhaid i deuluoedd siarad Cymraeg gartref er mwyn i'w plant fynychu. Gwnaed gwaith yn y maes hwn a chynyddodd y nifer sy'n manteisio ar gyfrwng y Gymraeg yn fawr oherwydd ymdrechion gweithredol i recriwtio.

Gallai cynyddu cyfrwng Cymraeg llai na 1 dosbarth mynediad fod yn opsiwn a gyflwynwyd mewn ymateb, efallai mewn sawl cam, gyda 1.5 dosbarth mynediad yn y lle cyntaf. Dros amser, byddem yn disgwyl i'r gyfradd genedigaethau gynyddu eto.

### **Dewisiadau Eraill**

- *A oes darpariaeth Gymraeg ychwanegol yn un o'r ysgolion cyfrwng Saesneg wedi cael eu hystyried?*
- *Pam y mae gan bob opsiwn Ysgol Mynydd Bychan yn symud i Allensbank; pam nad oes opsiwn lle bydden nhw'n symud i safle Gladstone?*
- *A oes mwy o fanylion am y wybodaeth ddemograffig a nodir fel y rheswm dros y ffaith nad oes opsiwn i gynnal cyfrwng Saesneg yn Allensbank?*

- *A yw Ysgol Gynradd Gladstone yn nalgylch Ysgol Mynydd Bychan?*
- *A allai Ysgol Mynydd Bychan symud i safle Ysgol Gymraeg 1 dosbarth mynediad arall gan gynyddu'r maint y ffordd honno?*

Cafodd cynnig i gynyddu lleoedd yn Ysgol Mynydd Bychan drwy addysgu rhai plant yn Allensbank ei ystyried yn flaenorol ac fe'i gwrthodwyd gan gyrff llywodraethu'r ddwy ysgol, felly ni fyddai wedi ffurfio un o'r opsiynau i'w ystyried yn y cynigion hyn.

Roedd Allensbank fel y safle ar gyfer cyfrwng Saesneg yn opsiwn a ystyriwyd cyn lleihau nifer yr opsiynau a aeth allan i ymgynghoriad cyhoeddus. Diystyriwyd hwn oherwydd demograffeg poblogaethau'r ysgolion, gan fod mwy yn byw yn rhan ddeheuol y dalgylchoedd cyfun, ac felly byddai ganddynt bellter cerdded hirach i Allensbank na Gladstone.

Yn rhan o'r gwaith paratoadol, nodwyd cyfeiriadau disgyblion ar fap ac roedd hynny'n dangos bod cyfran uwch yn agosach at Gladstone, ond gan y defnyddiwyd cyfeiriadau cartref, ni fu modd i ni rannu hyn.

Ydy, mae Ysgol Gynradd Gladstone yn nalgylch Ysgol Mynydd Bychan.

Roedd staff wedi dweud yn y cyfarfod staff eu bod yn ystyried ymateb gyda phedwerydd opsiwn, sef i addysg cyfrwng Saesneg fynd i safle Allensbank.

Mae dalgylchoedd cyfrwng Cymraeg yn fwy, felly byddai symud Ysgol Mynydd Bychan i ddalgylch arall yn golygu taith hirach i ddisgyblion cyfrwng Cymraeg, ac yn ei gwneud hi'n anoddach o ran teithio llesol ac ati.

### **Pryderon cysylltiedig â Phrosesau AD**

- *Pa mor fuan ar ôl gwneud penderfyniad y gall y broses ddechrau? Pryderu y gallai staff da chwilio am waith mewn manau eraill oherwydd ansicrwydd ynghylch eu swyddi.*
- *Pam fod y newidiadau'n cael eu cynnig? Mae yna opsiynau eraill a fyddai'n cyflawni'r un peth heb fygythiad dileu swyddi. Teimlo bod hyn yn hynod o drafferthus ac yn frawychus i'r staff. Poeni y bydd staff yn gadael.*
- *A yw'r cynnig o gymorth AD ar agor drwy gydol y broses gyfan?*

Pe bai opsiwn un yn mynd yn ei flaen, lle byddai angen i staff ymgeisio am swyddi, byddem yn edrych i gael y pennaeth yn ei swydd o 12 mis cyn i'r ysgol newydd agor. Fodd bynnag, os yn dilyn sefydlu corff llywodraethu, mae'n dymuno cyflymu'r broses, gallent geisio recriwtio ynghynt, ar y sail na fyddai'r rôl yn dod i rym tan gyfnod diweddarach. Unwaith y bydd pennaeth yn cael ei recriwtio, gallai recriwtio staff eraill, sy'n golygu y gallai staff gael cadarnhad a fydd ganddynt swydd ym mis Medi 2025 cyn gynted â phosibl.

Mae'r cynnig o gymorth AD ar agor drwy gydol y broses gyfan.

### **Cyllid/Cyllideb**

- *Ymholiad ynglŷn â'r ffigurau ar y cyflwyniad – dyw'r cyllideb gymeradwy 0 gan lywodraethwyr ar gyfer Santes Monica ddim Gladstone yn gwneud synnwyr.*
- *Sut mae gan Ysgol Mynydd Bychan warged mor fawr?*

- *Os yw Ysgol Mynydd Bychan hefyd yn 1 dosbarth mynediad, pam nad yw cyfyngiadau ariannol sy'n wynebu ysgolion llai yn effeithio arnynt?*
- *Faint o ysgolion cyfrwng Cymraeg fydd yn gosod cyllideb â diffyg ar gyfer 2023/24? Mae'n destun pryder os yw ysgolion Cymraeg y ddinas yn well eu byd yn ariannol na rhai cyfrwng Saesneg.*

Ar gyfer y flwyddyn ariannol ddiwethaf y mae'r niferoedd ac maen nhw wedi cael eu darparu gan yr Adran Gyllid. Does gan CTY ddim gwybodaeth am y rhesymau dros y gyllideb dros ben yn Ysgol Mynydd Bychan. Eleni rydym yn gweld bod nifer cynyddol o ysgolion llai yn gorfod gosod cyllideb â diffyg.

Mae Ysgol Mynydd Bychan wedi bod yn llawn ers amser maith ac mae'n bosib bod plant wedi cael eu derbyn ar apêl yn ychwanegol at y 30 o blant ar gyfer grŵp blwyddyn. Mae'r adeilad yn llai felly mae'n debygol y gallai costau fod wedi bod yn is am ynni a chynnal yr ysgol. Yn y cyfarfod staff roedd awgrym y gallai'r CRhA neu gyfraniadau rhieni ariannu pethau, a fyddai wedi arbed arian i'r ysgol. Wrth i'r ymgynghoriad gael ei gynnal ynghylch newidiadau i Ysgol Mynydd Bychan ddwy flynedd yn ôl, mae'n bosib bod yr ysgol wedi osgoi gwariant mawr rhag ofn y byddai cynigion pellach yn cael eu gwneud i'r ysgol symud. Ni ellir cadw gwarged mawr flwyddyn ar ôl blwyddyn, byddai'n rhaid ei gyfiawnhau i swyddogion Cyllid.

Y dyddiad cau i ysgolion gadarnhau cyllideb â diffyg yw 12 Mai, felly ni fydd pob ysgol sy'n bwriadu gosod cyllideb â diffyg wedi hysbysu'r ALL o hyn eto. Ni fyddem yn gallu dweud pa ysgolion unigol sy'n gosod cyllideb â diffyg ond byddem yn gallu nodi nifer cyffredinol ar ôl 12 Mai.

Nid yw'n wir ar draws y bwrdd bod ysgolion cyfrwng Cymraeg yn well eu byd nag ysgolion cyfrwng Saesneg.

### **Manteision Addysgol / Lles Disgyblion**

- *Mae'n ymddangos mai manteision ariannol sydd i'r cynigion i raddau helaeth. Beth yw manteision addysgegol y cynnig?*
- *Un peth y mae Allensbank yn ei wneud yn eithriadol o dda yw dod i adnabod y plant ac adeiladu perthynas gyda'r teuluoedd. Efallai y byddai'n well yn ariannol cael ysgolion mwy ond nid dyna'r gorau o ran lles disgyblion ac ethos ysgol bob amser.*
- *Oes ffigwr ar faint yn well y mae ysgolion mwy yn ei wneud yn arolygiadau Estyn?*
- *A oes unrhyw wybodaeth gymharol am ysgolion mwy o faint o'i gymharu â llai, e.e. faint sy'n ardderchog ac ati?*
- *Pa wahaniaethau ydych chi'n disgwyl y bydd yn lleol o ran effaith?*

Mae mwy o fanylion yn y ddogfen ymgynghori, fodd bynnag, mae manteision i ysgolion mwy o ran y cwricwlwm. Yn ogystal, mewn ysgolion llai mae llai o gyfle i ledaenu llwyth gwaith a rolau a all fod yn fater lles i uwch dimau arweinyddiaeth. Efallai bod gan ysgolion llai deimlad mwy teuluol ond gellir ail-greu hyn mewn ysgolion mwy. Mae CTY yn gweithio gyda'r Consortiwm, Uwch Athrawon ac yn ystyried canfyddiadau fel papur Estyn ar faint ysgolion ac effeithiolrwydd addysgol.

Nid oes awgrym bod unrhyw un o'r ysgolion sy'n ymwneud â'r cynigion yn tanberfformio, mae'r holl ysgolion yn darparu addysg o ansawdd da i ddisgyblion. Does dim disgwyl y bydd unrhyw ostyngiad o ran ansawdd yr addysg.

Mae ysgolion mwy o faint yn fwy tebygol o allu gwneud arbedion oherwydd graddfa'r prynu, cynilo ar staff cymorth ac ati, sy'n golygu y gellir defnyddio cyfran uwch o'u cyllideb i gefnogi addysgu a dysgu.

Bydd MDF yn gwirio a oes unrhyw wybodaeth sy'n cymharu arolygiadau Estyn yr ysgolion mwy o faint â'r rhai sy'n llai.

O dan ganllawiau Llywodraeth Cymru mae gwybodaeth gymharol wedi'i dileu, megis codio lliw a dyfarniadau ynghylch a yw ysgol yn dda/ardderchog ac ati. Mae adroddiadau Estyn yn llawer mwy naratif erbyn hyn, ac mae'n anoddach dweud ar gipolwg sut mae ysgol yn gwneud.

### **Y Broses Ymgynghori**

- *Sut mae'r ymgynghoriad yn cael ei gynnal?*
- *Os oes cefnogaeth gref i un opsiwn, a fydd yr opsiwn hwnnw'n mynd yn ei flaen?*
- *Mynegwyd pryder ynghylch pa mor hir mae'r broses yn ei gymryd, gan ei fod yn arwain at ansicrwydd i staff a theuluoedd.*
- *Pa rôl mae Santes Monica yn ei chwarae yn hyn?*
- *Os oes gwrthwynebiad cryf i'r opsiynau a fydd y cynnig yn mynd yn ei flaen?*
- *Beth yw barn cynghorwyr lleol ar y cynigion?*
- *A fyddai'n rhaid i gynghorwyr ddatgan gwrthdaro buddiannau? Ydyn nhw'n cael hyrwyddo barn ar gyfryngau cymdeithasol?*
- *A fydd Craffu a chyfarfodydd y Cabinet yn ystyried y pwnc hwn ar gael ar-lein?*
- *Os oes gan gynghorydd blentyn a allai elwa o'r cynigion hyn (mannau ychwanegol yn Ysgol Mynydd Bychan) a oes gwrthdaro buddiannau?*
- *Mynegwyd pryder am y rhai sy'n gwneud penderfyniadau sy'n cynrychioli barn cymuned wirioneddol Cathays, yn hytrach na barn cymuned bleidleisio dosbarth canol Gwyn, Cathays.*
- *Nodir a gwerthfawrogir bod ymdrechion wedi'u gwneud i wneud y dogfennau ymgynghori yn fwy hygyrch, trwy eu darparu mewn ieithoedd ychwanegol, fodd bynnag, bydd angen iddynt fod ar gael yn fuan fel nad yw'r aelodau hyn o'r gymuned dan anfantais.*
- *Nid yw cyfieithu ar ei ben ei hun yn arwain at ymgysylltu.*
- *Ydych chi'n cyhoeddi demograffeg o ymatebion i'r ymgynghoriad?*

Mae cyfarfodydd yn cael eu cynnal gyda staff a llywodraethwyr ym mhob ysgol sy'n ymwneud â chynigion. Mae'r ysgolion wedi gwneud rhieni yn ymwybodol o'r cynigion. Mae'r dogfennau ymgynghori ar-lein. Yn ogystal, mae dau gyfarfod cyhoeddus wedi'u trefnu i gael eu cynnal yng Nghanolfan Gymunedol Cathays. Mae cyfarfod cyhoeddus ar-lein hefyd. Mae sesiynau galw heibio personol wedi'u trefnu, ynghyd â'r cynnig o sesiynau galw heibio ar-lein neu alwadau ffôn. Yn ogystal, ymgynghorir â'r disgyblion ym mhob un o'r pedair ysgol.

Nid refferendwm yw'r ymgynghoriad. Os yw un opsiwn yn gyffredinol yn fwy poblogaidd, ond mae mater yn er erbyn yn dod i'r amlwg, gallai'r mater hwnnw fod â

mwy o bwysau. Os na ellir datrys unrhyw bryder yn ddigonol, gallai hyn atal opsiwn rhag mynd yn ei flaen.

Mae'r broses wedi'i hamlinellu yn y Cod CTY. Rhaid i hyd yn oed newid syml heb wrthwynebiad fynd drwy'r broses, ac fel arfer bydd yn para o leiaf naw mis.

Mae Santes Monica wedi cytuno i gymryd rhan yn yr ymgynghoriad, ac mae'r Cyngor yn cynnal eu hymgyngoriad ar ran yr ysgol. Os yw Santes Monica yn dewis peidio â bwrw ymlaen, yna ni allai unrhyw opsiynau sy'n ymwneud â nhw fynd ymlaen. Ar adeg yr ymgynghoriad blaenorol gwahoddwyd cyrff llywodraethu i gyflwyno awgrymiadau eraill, rhywbeth a wnaeth Corff Llywodraethu Santes Monica.

Mae'n bosibl, os oes gwrthwynebiad cryf i'r cynigion y gallai cynnig barhau i fynd rhagddo, fodd bynnag, bydd pob ymateb yn cael ei ystyried gan y Cabinet wrth benderfynu a ddylid symud ymlaen i'r cam nesaf.

Mae cynghorwyr lleol i gyd wedi cael gwybod am y cynigion ac yn cael cyfle i ymateb.

Byddai'n rhaid i aelodau Cabinet sydd â gwrthdaro buddiannau beidio â chymryd rhan pan fydd eitemau o'r fath yn cael eu hystyried. Byddai aelodau lleol yn gallu hyrwyddo'r ymgynghoriad ar gyfryngau cymdeithasol, ond ni ddylai aelodau cabinet wneud hynny.

Bydd - bydd cyfarfodydd sy'n ystyried yr adroddiadau ar y cynigion hyn ar gael ar-lein.

Os oes gan aelod o'r cabinet wrthdaro buddiannau, dylai beidio â chymryd rhan. Byddai cynghorwyr eraill yn gwneud y penderfyniad ar y cynigion hyn fel nad oes gwrthdaro. Os oes pryder penodol am wrthdaro buddiannau, rhowch wybod i ni.

Nid yw pob cynghorydd yn ddosbarth gwyn a chanol, ac nid yw pob un o'r Cabinet chwaith. Rydym yn chwilio am amrywiaeth mor eang â phosibl o safbwyntiau ac yn ceisio targedu grwpiau anoddach eu cyrraedd. Mae'r ddogfen ymgynghori gwyno ar gael mewn naw iaith ychwanegol; Maen nhw'n cael eu cyfieithu ar hyn o bryd ond mae'r cyfnod ymgynghori wedi'i ymestyn i ganiatáu ar gyfer yr oedi hwn. Gwnaed ymdrechion i wneud yr ymgynghoriad yn fwy hygyrch o'i gymharu â'r ymgynghoriad blaenorol.

Rydym yn cytuno nad yw darparu'r dogfennau mewn ieithoedd ychwanegol o reidrwydd yn arwain at ymgysylltu pellach. Mae swyddogion yn chwilio am ffyrdd o gael mynediad at grwpiau cymunedol er mwyn cyrraedd mwy o bobl.

Wrth ymateb i'r ymgynghoriad sy'n darparu gwybodaeth ddemograffig yn ddewisol, fodd bynnag, os yw pobl yn darparu gwybodaeth ddemograffig gellir adrodd am hyn yn ôl hefyd. Bydd y Cabinet hefyd yn gofyn pa fesurau sydd wedi'u cymryd er mwyn ceisio barnau eang.

### **Cwestiynau / Sylwadau Eraill**

- *Teimlo bod Allensbank wedi mynd trwy boen blynyddoedd o waith adeiladu a sgaffaldiau a nawr mae'n dod i ben bydd ysgol Gymraeg yn elwa. Mae'n anodd*

*peidio â theimlo bod cyfrwng Cymraeg yn cael ei drin yn well, ac nid yw cyfrwng Saesneg yn cael ei werthfawrogi cymaint.*

- *Mae perygl i'r gymuned ganfod bod plant gwyn, dosbarth canol yn cael eu trin yn well na phlant eraill, a allai achosi rhaniad.*
- *Mae Allensbank wedi gwneud gwelliannau enfawr yn dilyn yr arolygiad diwethaf ond un gan Estyn. Teimlo fel bod yr ysgol wedi mynd trwy adfyd ac mae bellach yn ffynnu, a'r wobwr am yr holl waith caled hwn yw cael ei bygwth â gorfod cau.*
- *Mae plant sy'n dod i mewn o dramor eisoes yn gorfod dysgu Saesneg, mae mynd i'r ysgol Gymraeg yn golygu bod ganddyn nhw ddwy iaith i'w dysgu yn hytrach nag un.*
- *Byddai'n ddiddorol gweld os bydd canlyniadau mewn ysgolion cyfrwng Cymraeg yn newid os oes newid demograffeg.*
- *Mae'r ysgol wedi cael gwybod bod YMB yn dweud wrth rieni/darpar rieni bod y symud yn bendant yn digwydd.*

Mae'n rhaid i ni weithio i osgoi rhaniad, ond hefyd am i'r neges gael ei chyfleu i deuluoedd bod addysg cyfrwng Cymraeg yn agored i bawb yn y gymuned.

Bu achosion o deuluoedd sy'n ceisio lloches yn mynd ati i ddewis rhoi eu plant yn Gymraeg fel iaith Cymru.

Ni ddylid dweud wrth rieni fod unrhyw un o'r cynigion yn bendant yn mynd yn eu blaen, gan nad yw'r ffordd ymlaen wedi'i phenderfynu eto.

### **Camau Gweithredu a Gytunwyd**

- **Bydd copi o nodiadau'r cyfarfod yn cael eu darparu i'r corff llywodraethu.**
- **Caiff dolen at nodiadau'r cyfarfod a gynhaliwyd gyda'r llywodraethwyr ynghylch y cynigion blaenorol ei hanfon at y corff llywodraethu.**
- **Cytunwyd i ddweud wrth y Corff Llywodraethu pa gyfran o ysgolion cyfrwng Cymraeg sy'n gosod cyllideb â diffyg pan fydd y wybodaeth hon yn hysbys.**
- **Bydd swyddogion CTY yn gweld a oes gwybodaeth ar gael gan Estyn am ysgolion mwy sy'n cael gwell canlyniadau mewn arolygon.**

Diolchodd RP i'r llywodraethwyr a daeth y cyfarfod i ben.



**Schools Programme  
Cofnod y Cyfarfod Staff  
Ysgol Gynradd Gladstone  
11 Mai 2023 3.45pm**



**Yn bresennol:** Richard Portas (CTY), Michele Duddridge-Friedl (CTY), Brett Andrewartha (CTY), Rosalie Phillips (CTY), Zoe Spencer-Biggs (AD), Louise Flynn (AD), staff Ysgol Gynradd Gladstone, cynrychiolwyr undebau llafur

*Sylwer: Nid trawsgrifiad yw'r canlynol, ond nodyn o'r cyfarfod a wnaed ar y pryd.*

### **Croeso a Chyflwyniadau**

Agorodd Richard Portas (RP) y cyfarfod a chroesawodd y staff.

Roedd y cyfarfod yn rhan o'r ymgynghoriad ffurfiol ar newidiadau arfaethedig i'r ddarpariaeth gynradd yn gwasanaethu'r ardal.

Roedd nodiadau'n cael eu cymryd ar y pryd a byddent yn ffurfio rhan o adborth yr ymgynghoriad.

### **Beth sy'n cael ei gynnig?**

Cafwyd cyflwyniad gan Brett Andrewartha (BA) i amlinellu manylion y cynnig:

- Beth rydyn ni'n cynnig ei wneud?
- Pam fod y newidiadau'n cael eu cynnig?
- Pwy sy'n ymgynghori?
- Cefndir
- Cyd-destun penodol i'r ardal
- Niferoedd diweddar ac yn y dyfodol
- Map o'r ddarpariaeth Saesneg
- Niferoedd diweddar ac yn y dyfodol mewn ysgolion cymunedol Saesneg
- Map o'r ddarpariaeth Gymraeg
- Niferoedd diweddar ac yn y dyfodol mewn ysgolion cymunedol Cymraeg
- Data dyrannu derbyniadau diweddar (Dosbarth Derbyn): Albany, Allensbank a Gladstone
- Data dyrannu derbyniadau diweddar (Dosbarth Derbyn): Ysgol Mynydd Bychan
- Derbyn i ysgolion: Niferoedd Derbyn Dyraniadau mis Medi (Diwrnod cynnig, 17 Ebrill 2023) CYBLD (cyfrifiad ysgol)
- Ansawdd a Safonau'r ysgolion
- Trefniadaeth safle opsiwn 1
- Trefniadaeth safle opsiwn 2
- Ffederasiwn a chydweithio
- Trefniadaeth safle opsiwn 3
- Darpariaeth Anghenion Dysgu Ychwanegol
- Manteision Addysgol
- Effaith ariannol y cynigion – cyllidebau ysgolion



- Ystyriaethau eraill
- Beth sy'n digwydd nesaf?

Amlinellodd Zoe Spencer-Biggs (ZSB) fanylion y goblygiadau AD sy'n benodol i bob opsiwn.

Byddai Opsiwn 1 yn gofyn am ffurfio corff llywodraethu newydd a fyddai'n gyfrifol am benodiadau i'r ysgol newydd. Byddai AD yn argymhell bod swyddi wedi'u neilltuo yn y lle cyntaf ac eithrio'r swyddi Pennaeth a'r Dirprwy Bennaeth a fyddai'n destun hysbyseb genedlaethol. Yn achos staff a benodir i swydd gradd is, byddai cyflogau yn cael eu diogelu am hyd at dair blynedd. Byddai cymorth AD ar gael i unrhyw staff nad oeddent yn llwyddiannus.

O dan Opsiwn 2, pe bai ffederasiwn gydag Ysgol Gynradd Allensbank yn cael ei ddatblygu, byddai corff llywodraethu ar y cyd yn cael ei sefydlu a fyddai'n goruchwylio'r gwaith o benodi swyddi'r Pennaeth a'r Dirprwy Bennaeth; byddai'r broses yn cael ei chyfyngu i benaethiaid presennol yn y lle cyntaf.

O dan Opsiwn 3 ni fyddai unrhyw effaith ar Ysgol Gynradd Gladstone.

Dywedodd RP fod ymrwymiad i ddarparu llinell amser i bob opsiwn.

Dywedodd ZSB y byddai AD yn cynnal cymhorthfa yn yr ysgol a hefyd yn hapus i gwrdd fel grŵp.

## Holi ac Ateb

Gwahoddodd RP gwestiynau gan staff.

Nodir y pwyntiau a godwyd mewn *print italaidd* isod ac maent wedi'u grwpio yn ôl y pwyntiau a godwyd lle bo hynny'n briodol.

Gellir gweld ymateb y swyddog oddi tanynt.

## Cynigion

- *pam nad aeth y cynnig blaenorol yn ei flaen?*
- *faint o leoedd meithrin fyddai o dan Opsiwn 1?*
- *mae'r cynigion yn teimlo fel cosb am beidio â bod yn gyfrwng Cymraeg gyda £1.8m am fuddsoddi yn y Gymraeg. A fydd hyn yn digwydd ar draws sectorau eraill?*
- *Ai oherwydd poblogaeth uchel o fyfyrwyr yn yr ardal y mae hyn?*

Cynigiwyd ehangu Ysgol Mynydd Bychan i 1.5FE ar ddau safle fel mesur dros dro yn flaenorol, fodd bynnag, nid oedd yr adborth a gafwyd yn ystod yr ymgynghoriad yn cefnogi hyn; Fodd bynnag, mynegwyd safbwyntiau ar ddatrysiadau byrdymor posibl.

Mae Opsiwn 1 yn cynnig cael un ysgol gynradd cyfrwng Saesneg 2AB gyda hyd at 96 o leoedd meithrin. Mae'r cynigion wrthi'n mynd drwy'r cam ymgynghori ac mae

cyfleoedd i fynegi barn a fydd yn cael ei hystyried. Anogir staff i ymateb fel grŵp ond gallant hefyd fod yn rhiant neu'n llywodraethwr. Bydd yr holl safbwyntiau a fynegir yn cael eu crynhoi a'u hateb yn yr adroddiad i'r Cabinet ar ôl ymgynghori. Gallai unrhyw un o'r tri opsiwn gael eu symud ymlaen fodd bynnag nid yw hyn yn fait accompli; os bydd un o'r opsiynau'n cael eu cyflwyno, y cam nesaf fyddai cyhoeddi hysbysiad statudol a fyddai'n caniatáu cyfnod o hyd at 28 dyddiad ar gyfer gwrthwynebiadau; mae cynigion blaenorol sydd wedi derbyn nifer fawr o wrthwynebiadau, dros 5000, wedi symud ymlaen ac mae yna rai eraill heb fawr ddim nad ydynt wedi gwneud hynny; y rhesymau a fynegir yw'r hyn sy'n effeithio ar p'un a yw cynnig yn cael ei ddatblygu. Y dyddiad penderfynu disgwyliedig yw Ionawr 2024 gyda chynigion yn dod i rym ym mis Medi 2025.

Mae'n ofynnol cyflwyno Cynllun Strategol Cymraeg 2050 a'r Gymraeg mewn Addysg (CSGA); dydyn ni ddim yn lleihau nifer y llefydd Saesneg yma ond yn cynnig ad-drefnu; cynyddu nifer y llefydd Cymraeg mewn ardal lle bu galw.

Mae nifer y disgyblion wedi amrywio dros amser gyda phlant yn mynychu ysgolion heb fod yn y dalgylch; rydym yn disgwyl i'r boblogaeth godi eto yn y dyfodol ond mae goblygiadau yn y tymor byr o gofrestrïadau yn gostwng.

## **Staffio**

- *a fyddai'n rhaid i staff ymgeisio am swyddi yn yr ysgol newydd.*
- *pa mor fuan y byddai trefniadau staffio yn hysbys?*
- *a fyddai trefniadau gweithio hyblyg yn cael eu hadlewyrchu yn y canlyniad terfynol?*
- *sefyllfa anodd i staff sydd angen ystyried eu sefyllfa o ran cyflogaeth, a bydd hynny yn dylanwadu ar benderfyniadau.*

Yn seiliedig ar ddeddfwriaeth statudol, byddai'n ofynnol i'r holl staff wneud cais am swyddi yn yr ysgol newydd. Roedd y broses benodi gyfyngedig wedi'i haddasu gyda'r mwyafrif o staff yn sicrhau swyddi mewn achosion ad-drefnu blaenorol.

Caiff amserlenni i bob opsiwn eu darparu.

Byddai'r holl drefniadau gweithio yn cael eu hystyried.

Derbynnir bod y sefyllfa i staff yn anodd. Mae nifer y plant oed cynradd yn gostwng, a bydd nifer y staff yn gostwng waeth beth fydd y cynigion a fydd yn cael effaith.

Nid oes unrhyw bryderon ynghylch safonau yn yr ysgolion, y nod yw ceisio cadw a gwella o fewn cyfyngiadau a gwneud y gorau dros ddisgyblion. Mae staff wedi dangos ymrwymiad a gallu, ond maent yn cydnabod bod risgiau, e.e. o dan Opsiwn 1, staff uwch arwain, gweinyddwyr a goruchwylwyr canol dydd sy'n wynebu'r risg fwyaf.

## **Materion Iaith**

- *cael trafferth credu bod galw am Gymraeg gan y gymuned Saesneg fel iaith Ychwanegol; mae Cathays yn ardal amrywiol ac yn anodd dychmygu'r galw.*

*Problemau gyda rhieni nad ydynt yn gallu cael gafael ar wybodaeth oherwydd rhwystrau ieithyddol ac sydd angen dod â phobl sy'n gallu siarad â rhieni yn eu mamiaith, problemau o ran lefelau dealltwriaeth.*

- *mae rhieni'n ymddiried mewn staff: newydd i'r wlad/iaith a phroblemau gyda lefelau llythrennedd a bydd rhai teuluoedd yn colli allan; leithoedd a lefelau unigryw iawn yn yr ysgol.*
- *Pryd fydd cyfieithiadau iaith ar gael?*
- *A fyddai'n bosibl cael crynodeb mewn fformat sain?*

Byddwn yn edrych ar yr holl opsiynau sy'n ymwneud ag ymgysylltu; rydym wedi mynychu dosbarthiadau Saesneg i Siaradwyr leithoedd Eraill o'r blaen ac wedi amlinellu'r cynigion a oedd yn ddefnyddiol. Hefyd, opsiwn fyddai i'r ysgol ddefnyddio Schoop; mae gwybodaeth gryno eisoes yn cael ei chyfieithu i naw iaith gymunedol.

Mae tri chyfieithiad wedi'u derbyn a byddant yn cael eu darparu. Bydd y lleill ar gael cyn gynted ag y down nhw i law.

Byddwn yn ymchwilio i weld a yw'n bosibl cael crynodeb mewn fformat sain.

### **Corff Llywodraethu**

- *Pwy fyddai'n penderfynu ar gyfansoddiad unrhyw gorff llywodraethu dros dro?*

Mae cyrff llywodraethu dros dro fel arfer yn cynnwys llywodraethwyr o ysgolion presennol a phenodiadau ychwanegol. Byddai Gwasanaethau Llywodraethwyr yn helpu gyda'r broses hon, gydag AD yn helpu gyda materion staffio.

Mae'r ymgynghoriad yn parhau tan 30 Mehefin gyda sesiynau galw heibio a chyfarfodydd cyhoeddus a rydym hefyd yn hapus i gwrdd eto os oes angen.

Nid oedd unrhyw gwestiynau pellach. Diolchodd RP i'r staff a daeth y cyfarfod i ben.



**Schools Programme**  
**Cofnod Cyfarfod y Llywodraethwyr**  
**Ysgol Gynradd Gladstone**  
**11 Mai 2023 5pm**



**Yn bresennol:** Richard Portas (CTY), Michele Duddridge-Friedl (CTY), Brett Andrewartha (CTY), Rosalie Phillips (CTY), Zoe Spencer-Biggs (AD), Louise Flynn (AD), staff Ysgol Gynradd Gladstone, cynrychiolwyr undebau llafur

*Sylwer: Nid trawsgrifiad yw'r canlynol, ond nodyn o'r cyfarfod a wnaed ar y pryd.*

### **Croeso a Chyflwyniadau**

Agorodd Richard Portas (RP) y cyfarfod a chroesawodd y llywodraethwyr.

Roedd y cyfarfod yn rhan o'r ymgynghoriad ffurfiol ar newidiadau arfaethedig i'r ddarpariaeth gynradd yn gwasanaethu'r ardal.

Roedd nodiadau'n cael eu cymryd ar y pryd a byddent yn ffurfio rhan o adborth yr ymgynghoriad.

### **Beth sy'n cael ei gynnig?**

Cafwyd cyflwyniad gan Brett Andrewartha (BA) i amlinellu manylion y cynnig:

- Beth rydyn ni'n cynnig ei wneud?
- Pam fod y newidiadau'n cael eu cynnig?
- Pwy sy'n ymgynghori?
- Cefndir
- Cyd-destun penodol i'r ardal
- Niferoedd diweddar ac yn y dyfodol
- Map o'r ddarpariaeth Saesneg
- Niferoedd diweddar ac yn y dyfodol mewn ysgolion cymunedol Saesneg
- Map o'r ddarpariaeth Gymraeg
- Niferoedd diweddar ac yn y dyfodol mewn ysgolion cymunedol Cymraeg
- Data dyrannu derbyniadau diweddar (Dosbarth Derbyn): Albany, Allensbank a Gladstone
- Data dyrannu derbyniadau diweddar (Dosbarth Derbyn): Ysgol Mynydd Bychan
- Derbyn i ysgolion: Niferoedd Derbyn Dyraniadau mis Medi (Diwrnod cynnig, 17 Ebrill 2023) Data demograffeg: CYBLD (cyfrifiad ysgol)
- Ansawdd a Safonau'r ysgolion
- Trefniadaeth safle opsiwn 1
- Trefniadaeth safle opsiwn 2
- Ffederasiwn a chydweithio
- Trefniadaeth safle opsiwn 3
- Darpariaeth Anghenion Dysgu Ychwanegol
- Manteision Addysgol
- Effaith ariannol y cynigion – cyllidebau ysgolion
- Ystyriaethau eraill
- Beth sy'n digwydd nesaf?

Amlinellodd Zoe Spencer-Biggs (ZSB) fanylion y goblygiadau AD sy'n benodol i bob opsiwn.

Byddai Opsiwn 1 yn gofyn am ffurfio corff llywodraethu newydd a fyddai'n gyfrifol am benodiadau i'r ysgol newydd. Byddai AD yn argymhell bod swyddi wedi'u neilltuo yn y lle cyntaf ac eithrio'r swyddi Pennaeth a'r Dirprwy Bennaeth a fyddai'n destun hysbyseb genedlaethol. Yn achos staff a benodir i swydd gradd is, byddai cyflogau yn cael eu diogelu am hyd at dair blynedd. Byddai cymorth AD ar gael i unrhyw staff nad oeddent yn llwyddiannus.

O dan Opsiwn 2, pe bai ffederasiwn gydag Ysgol Gynradd Allensbank yn cael ei ddatblygu, byddai corff llywodraethu ar y cyd yn cael ei sefydlu a fyddai'n goruchwyllo'r gwaith o benodi swyddi'r Pennaeth a'r Dirprwy Bennaeth; byddai'r broses yn cael ei chyfyngu i benaethiaid presennol yn y lle cyntaf.

O dan Opsiwn 3 ni fyddai unrhyw effaith ar Ysgol Gynradd Gladstone.

### **Holi ac Ateb**

Gwahoddodd RP gwestiynau gan y llywodraethwyr.

Nodir y pwyntiau a godwyd mewn *print italaidd* isod ac maent wedi'u grwpio yn ôl y pwyntiau a godwyd lle bo hynny'n briodol.

Gellir gweld ymateb y swyddog oddi tanynt.

### **Cyllid**

- *cyfeiriodd y sleid Effaith Ariannol at y gyllideb a ragwelir ar gyfer mis Hydref 2022 sy'n anghywir ac a allai fod yn ddryslyd.*

Roedd eisiau newid y sleid effaith ariannol; roedd y wybodaeth yn gywir adeg ei derbyn.

Byddai'r diffyg yn cael ei ddileu o dan Opsiwn 1; o dan Opsiwn 2 byddai'n rhaid i'r cyrff llywodraethu fynd i'r afael â'r diffyg. Yfory (12 Mai) yw'r dyddiad cau ar gyfer gosod cyllideb diffyg ac ni allwn roi'r wybodaeth ddiweddaraf cyn hyn.

### **Staffio**

- *a ddiogelir cyflogau staff cymorth?*
- *beth oedd yr adborth gan y staff?*

Roedd angen cadarnhad o ran y sefyllfa gyda diogelu cyflogau i staff cymorth.

Roedd staff yn poeni, yn enwedig gydag Opsiwn 1. Bydd AD yn cefnogi mewn unrhyw ffordd bosibl gydag addasu proses ymgeisio yn achos recriwtio cyfyngedig a chydag adleoli. Dywedodd ZSB y byddai AD yn cynnal cymhorthfa yn yr ysgol ac yr oedd hefyd yn hapus i gwrdd fel grŵp.

Gallai niferoedd staffio dwy ysgol ag un dosbarth mynediad fod yn debyg i ysgol â dau ddosbarth mynediad, ond dydy hynny ddim yn bendant. Byddai mwy o risg i rai staff a

byddem yn annog staff i ofyn am gymorth gan AD. Bydd poblogaethau is hefyd yn cael effaith ar staffio wrth symud ymlaen, p'un a fydd newidiadau'n mynd rhagddynt ai peidio. Rydym wedi ymrwymo i ddarparu llinellau amser i bob opsiwn.

### **Adeiladau**

- *nid yw adeilad Santes Monica yn ddigon mawr i ddarparu ar gyfer Ysgol Gynradd Allensbank, sut y byddai hyn yn gweithio?*

O dan Opsiwn 2, byddai'n rhaid i'r ddwy ysgol rannu'r safle cyfan.

### **Manteision addysgol**

- *mae manteision addysgol wedi'u hamlinellu ond a fu asesiad o anfanteision; Mae'r safle yn gyfyngedig ac mae angen cyfleusterau digonol gan gynnwys gofod awyr agored.*

Mae sawl safle cyfyng yng Nghaerdydd ac mae'r newidiadau arfaethedig yn cydymffurfio â gofynion y safle; byddem yn gallu ystyried amseroedd egwyl i grwpiau llai; does dim gofyniad i gael neuadd a all ddarparu ar gyfer pob plentyn ar yr un pryd; rydym yn hyderus bod y lle sy'n ofynnol ar gael, ond yn gallu ystyried opsiynau o ran sut y defnyddir y gofod.

Byddai dichonoldeb manwl yn cael ei wneud pe bai'n cael ei ddatblygu a byddai'r Cyngor yn gweithio'n agos gydag ysgolion.

Mae cyngor gan staff profiadol yn y Gyfarwyddiaeth Addysg, Consortiwm Canolbarth y De a mewnbwn penaethiaid wedi llywio'r manteision e.e. mwy o gyfleoedd mewn ysgol â dau ddsbarth mynediad, cyfleoedd i staff, arbedion maint a chyfleoedd ar gyfer gweithgareddau allgyrsiol/ar ôl ysgol. Mae arweinyddiaeth a staff cryf yn yr holl ysgolion sydd wedi'u cynnwys yn y cynigion ac rydym yn derbyn bod yn well gan rai pobl ysgolion llai o faint.

### **Amserlenni**

- *Beth yw'r llinellau amser?*

Daw'r ymgynghoriad i ben ar 30 Mehefin 2023. Yn dilyn hyn bydd adroddiad i'r Cabinet a fydd yn cynnwys argymhelliad; Yn amodol ar gymeradwyaeth y Cabinet, byddai hysbysiad statudol yn cael ei gyhoeddi yn caniatáu 28 diwrnod ar gyfer gwrthwynebiadau ffurfiol gyda dyddiad penderfynu disgwylidig yn Ionawr 2024.

### **Ysgol Gynradd yr Eglwys yng Nghymru y Santes Monica**

- *A yw Santes Monica yn dilyn yr un llinell amser?*
- *Beth fyddai'n digwydd pe bai Santes Monica yn penderfynu peidio â symud ymlaen?*

Mae Ysgol Gynradd Santes Monica yn dilyn yr un llinell amser. Gofynnwyd am farn ynghylch y patrwm darpariaeth ysgolion sy'n gwasanaethu'r ardal leol yn ystod yr ymgynghoriad blaenorol, a gwnaeth Santes Monica awgrymu y gallent adleoli ac agor dosbarth meithrin. Cytunodd y Corff Llywodraethu yn ffurfiol i fod yn rhan o'r

ymgyngoriad a bydd yn rhaid iddo ystyried y canlyniad i'r ysgol; byddai'n rhaid ystyried pwysau unrhyw wrthwynebiadau.

### **Ffederasiwn**

- *A fyddai ffederasiwn yn fater i'r cyrff llywodraethu ei ystyried?*

Os bydd Opsiwn 2 neu Opsiwn 3 yn cael ei ddatblygu, argymhellir yn gryf sefydlu ffederasiwn.

### **Cyllid Cyfalaf**

- *Mae gwahaniaeth demograffig sylweddol rhwng yr ysgolion cyfrwng Saesneg a chyfrwng Cymraeg ac mae cau'r bwlch cyrhaeddiad yn rhan o Gaerdydd 2020. Mae arian ar gyfer gwaith cyfrwng Cymraeg wedi ei sicrhau ond beth yw'r ymrwymiad ar gyfer cyfrwng Saesneg?*

Yr ymrwymiad gan yr ALI yw bod y buddsoddiad yn dibynnu ar yr opsiwn a ddewisir; mae angen i ni sicrhau bod cyfleusterau'n addas. Mae cyllid sydd wedi'i sicrhau drwy grant cyfalaf yn gyfyngedig i gyfrwng Cymraeg yn unig ond rydym wedi ymrwymo i sicrhau tegwch o ran cyfleusterau.

Nid oedd unrhyw gwestiynau pellach. Diolchodd RP i'r llywodraethwyr a daeth y cyfarfod i ben.



**Schools Programme**  
**Cofnod y Cyfarfod Staff**  
**Ysgol Gynradd yr Eglwys yng Nghymru Santes Monica**  
**17 Mai 2023**



**Yn bresennol:** Richard Portas (CTY), Michele Duddridge Friedl (CTY), Brett Andrewartha (CTY), Rhian Carbis (CTY), Shirley Karseras (CTY), Louise Flynn (AD), Staff Ysgol Gynradd Santes Monica

*Sylwer: Nid trawsgrifiad yw'r canlynol, ond nodyn o'r cyfarfod a wnaed ar y pryd.*

### **Croeso a Chyflwyniadau**

Agorodd Richard Portas (RP) y cyfarfod a chroesawodd y staff.

Roedd y cyfarfod yn rhan o'r ymgynghoriad ffurfiol ar newidiadau arfaethedig i'r ddarpariaeth gynradd yn gwasanaethu'r ardal.

Roedd nodiadau'n cael eu cymryd ar y pryd a byddent yn ffurfio rhan o adborth yr ymgynghoriad.

### **Beth sy'n cael ei gynnig?**

Cafwyd cyflwyniad gan Brett Andrewartha (BA) i amlinellu manylion y cynnig:

- Beth rydyn ni'n cynnig ei wneud?
- Pam fod y newidiadau'n cael eu cynnig?
- Pwy sy'n ymgynghori?
- Cefndir
- Cyd-destun penodol i'r ardal
- Niferoedd diweddar ac yn y dyfodol
- Map o'r ddarpariaeth Saesneg
- Niferoedd diweddar ac yn y dyfodol mewn ysgolion cymunedol Saesneg
- Map o'r ddarpariaeth Gymraeg
- Niferoedd diweddar ac yn y dyfodol mewn ysgolion cymunedol Cymraeg
- Data dyrannu derbyniadau diweddar (Dosbarth Derbyn): Albany, Allensbank a Gladstone
- Data dyrannu derbyniadau diweddar (Dosbarth Derbyn): Ysgol Mynydd Bychan
- Derbyn i ysgolion: Niferoedd Derbyn Dyraniadau mis Medi (Diwrnod cynnig, 17 Ebrill 2023)
- Data demograffig: CYBLD (cyfrifiad ysgol)
- Ansawdd a Safonau'r ysgolion
- Trefniadaeth safle opsiwn 1
- Trefniadaeth safle opsiwn 2
- Ffederasiwn a chydweithio
- Trefniadaeth safle opsiwn 3
- Darpariaeth Anghenion Dysgu Ychwanegol
- Manteision Addysgol
- Effaith ariannol y cynigion – cyllidebau ysgolion
- Ystyriaethau eraill
- Beth sy'n digwydd nesaf?



Amlinellodd Louise (AD) fanylion y goblygiadau Adnoddau Dynol sy'n benodol i bob opsiwn. Dywedodd wrth y staff, pe bai'r cynigion yn cael eu datblygu, y byddai AD yn darparu cymorth ac yn cysylltu â gweithwyr ac Undebau Llafur lle y bo angen. Byddai ymgynghoriad llawn ar unrhyw newidiadau.

### **Holi ac Ateb**

Gwahoddodd RP gwestiynau gan staff.

Nodir y pwyntiau a godwyd mewn *print italaidd* isod ac maent wedi'u grwpio yn ôl y pwyntiau a godwyd lle bo hynny'n briodol.

Gellir gweld ymateb y swyddog oddi tanynt.

### **Rhagamcanion niferoedd disgyblion**

- *Gwnaed sylw wrth ystyried data rhagamcanion disgyblion yn ymwneud â chyfraddau geni, y dylid bod yn ymwybyddol o'r ffaith efallai na fydd rhai disgyblion wedi cael eu geni yn y DU.*

Eglurodd BA sut mae ffigurau cofrestru meddygon teulu'r GIG yn cael eu defnyddio bob dwy flynedd i lywio rhagamcanion yn ogystal ag ystod o ddata eraill fel CYBLD a data o ran dewisiadau.

Eglurodd MDF fod symudedd disgyblion yn cael ei fonitro'n agos a thros gyfnod hir.

### **Nifer Derbyn**

- *Os symudodd Santes Monica i safle Ysgol Mynydd Bychan, pam y mae gwahaniaeth yn y Nifer Derbyn a Gyhoeddwyd o'i gymharu â phetai Allensbank yn symud i Ysgol Mynydd Bychan?*

Eglurodd BA y byddai nifer derbyn yr ysgol yn cael ei benderfynu gan Gorff Llywodraethu Santes Monica, cyn belled â bod y nifer hwnnw'n dderbyniol yn nhermau capasiti adeilad yr ysgol.

Nodwyd y byddai'n rhaid i bolisi derbyn yr ysgol newid pe bai'r symud yn cael ei gymeradwyo gan fod safle Ysgol Mynydd Bychan mewn Plwyf gwahanol i'r Rhath presennol / Plwyf Cathays.

- *A allwch chi egluro a yw hyn yr un fath â'r ddarpariaeth feithrin gan fod nifer wedi ei nodi?*

Eglurodd MDF fod nifer derbyn y dosbarth meithrin fel arfer yn cael ei osod ychydig yn is er mwyn peidio â chael effaith niweidiol ar ddarparwyr meithrin a gynhelir eraill yn yr ardal. Os ymhen amser, mae tystiolaeth i awgrymu bod angen mwy o leoedd yna byddai hynny'n cael ei ystyried.

### **Opsiynau**

- *Oes angen i ni ddewis un opsiwn dros y llall?*

Eglurodd MDF y byddai disgwyl ymateb ffurfiol gan y Staff a'r Corff Llywodraethu, ond y gallai pobl ymateb yn unigol hefyd. Mater iddyn nhw oedd esbonio'r hyn roedden nhw'n ei hoffi / ddim yn ei hoffi am bob opsiwn neu roi sylwadau ar unrhyw beth yr oedden nhw'n meddwl oedd yn berthnasol. Mae'n rhaid iddyn nhw feddwl, beth sy'n iawn i'n hysgol ni.

Dywedodd BA pe na bai Santes Monica am symud ymlaen gydag adleoli i safle Ysgol Mynydd Bychan, yna opsiwn 3 fyddai'r unig un a ystyrir ac y byddai'n rhaid iddo gael ei benderfynu gan y Cabinet.

Roedd Tim Adams o NASUWT yn bresennol a chynigiwyd cymorth os oedd angen cymorth ar staff. Ymddiheuriadau am Angela Jardine.

Diolchodd RP i'r staff am eu hamser a'u mewnbwn a daeth y cyfarfod i ben.



**Schools Programme**  
**Cofnod o Gyfarfod y Corff Llywodraethu**  
**Ysgol Gynradd yr Eglwys yng Nghymru Santes Monica**  
**17 Mai 2023**



**Yn bresennol:** Richard Portas (RP) CTY, Michele Duddridge Friedl (MDF) CTY, Brett Andrewartha (BA) CTY, Rhian Carbis (RC) CTY, Shirley Karseras (SK) CTY, Louise Flynn (LF) AD, Llywodraethwyr Ysgol Gynradd Santes Monica

*Sylwer: Nid trawsgrifiad yw'r canlynol, ond nodyn o'r cyfarfod a wnaed ar y pryd.*

### **Croeso a Chyflwyniadau**

Agorodd Richard Portas (RP) y cyfarfod a chroesawodd y staff.

Roedd y cyfarfod yn rhan o'r ymgynghoriad ffurfiol ar newidiadau arfaethedig i'r ddarpariaeth gynradd yn gwasanaethu'r ardal.

Roedd nodiadau'n cael eu cymryd ar y pryd a byddent yn ffurfio rhan o adborth yr ymgynghoriad.

### **Beth sy'n cael ei gynnig?**

Cafwyd cyflwyniad gan Brett Andrewartha (BA) i amlinellu manylion y cynnig:

- Beth rydyn ni'n cynnig ei wneud?
- Pam fod y newidiadau'n cael eu cynnig?
- Pwy sy'n ymgynghori?
- Cefndir
- Cyd-destun penodol i'r ardal
- Niferoedd diweddar ac yn y dyfodol
- Map o'r ddarpariaeth Saesneg
- Niferoedd diweddar ac yn y dyfodol mewn ysgolion cymunedol Saesneg
- Map o'r ddarpariaeth Gymraeg
- Niferoedd diweddar ac yn y dyfodol mewn ysgolion cymunedol Cymraeg
- Data dyrannu derbyniadau diweddar (Dosbarth Derbyn): Albany, Allensbank a Gladstone
- Data dyrannu derbyniadau diweddar (Dosbarth Derbyn): Ysgol Mynydd Bychan
- Derbyn i ysgolion: Niferoedd Derbyn Dyraniadau mis Medi (Diwrnod cynnig, 17 Ebrill 2023)
- Data demograffig: CYBLD (cyfrifiad ysgol)
- Ansawdd a Safonau'r ysgolion
- Trefniadaeth safle opsiwn 1
- Trefniadaeth safle opsiwn 2
- Ffederasiwn a chydweithio
- Trefniadaeth safle opsiwn 3
- Darpariaeth Anghenion Dysgu Ychwanegol
- Manteision Addysgol
- Effaith ariannol y cynigion – cyllidebau ysgolion
- Ystyriaethau eraill

- Beth sy'n digwydd nesaf?

Amlinellodd Louise (AD) fanylion y goblygiadau Adnoddau Dynol sy'n benodol i bob opsiwn. Dywedodd wrth y staff, pe bai'r cynigion yn cael eu datblygu, y byddai AD yn darparu cymorth ac yn cysylltu â gweithwyr ac Undebau Llafur lle y bo angen. Byddai ymgynghoriad llawn ar unrhyw newidiadau.

### **Holi ac Ateb**

Gwahoddodd RP gwestiynau gan y llywodraethwyr.

Nodir y pwyntiau a godwyd mewn print *italaidd* isod ac maent wedi'u grwpio yn ôl y pwyntiau a godwyd lle bo hynny'n briodol.

Gellir gweld ymateb y swyddog oddi tanynt.

### **Nifer Derbyn**

- *Pryder ynghylch y nifer derbyn. Pe bai Santes Monica yn symud i safle Ysgol Mynydd Bychan, dim ond 20 disgybl fyddai ganddyn nhw ond fe fydden nhw mewn ysgol fwy gyda chostau cynnal uwch.*

Dywedodd BA nad yw'r awdurdod yn cynnig ehangu Santes Monica ond bod Corff Llywodraethu ysgol Wirfoddol a Gynorthwyr yn gosod eu nifer derbyn eu hunain.

- *Dywedwyd wrth Santes Monica yn y cynnig blaenorol y gallent ond derbyn 27.*

Dywedodd MDF fod nifer derbyn o 30 yn Ysgol Mynydd Bychan wedi cytuno gyda'r ysgol. Y nifer derbyn ar gyfer yr ysgol fyddai 27 fel arfer.

Eglurodd BA fod capasiti'r ysgol yn 192 a'i bod yn seiliedig ar ystafelloedd dosbarth o wahanol feintiau. Yna trefnir y nifer derbyn cyhoeddedig yn gyfartal dros y grwpiau saith mlynedd ond fel arfer mae hyblygrwydd i bob ysgol benderfynu ar sut maen nhw'n defnyddio'r gofod hwnnw yn seiliedig ar anghenion eu dysgwyr.

- *A oes hyblygrwydd gyda nifer derbyn y meithrin arfaethedig o 32?*

Dywedodd MDF na fyddai hyn yn newid gan fod angen dull cytbwys er mwyn peidio â pheryglu hyfywedd darparwyr meithrin eraill yn yr ardal. Mae mecanwaith ariannu'r ddarpariaeth feithrin yn wahanol i'r drefn ar gyfer disgyblion oed cynradd ac nid oes modd adfachu cyllid.

### **Adeiladau**

- *Pa waith sydd ei angen ar safle Ysgol Mynydd Bychan? Mae Santes Monica wedi cael sawl blwyddyn o waith adnewyddu.*

Eglurodd RP fod yr adeiladau mewn cyflwr da ac nad oedd angen gwneud unrhyw waith.

- *Oes gan Ysgol Mynydd Bychan ddosbarth meithrin sefydledig a'r cyfleusterau perthnasol yn barod?*

Dyweddod MDF oes, ond gan fod hon yn ddarpariaeth newydd ar gyfer Santes Monica, byddai rhywfaint o gymorth i helpu i brynu eitemau perthnasol megis dodrefn dosbarth meithrin.

- *Sut mae'r broses o symud ysgol yn ymarferol yn gweithio? A fydd yn rhaid iddynt ddefnyddio diwrnodau Hyfforddiant Mewn Swydd ar gyfer hyn?*

Eglurodd RC ei bod wedi bod drwy'r broses a chynhigiodd gwybodaeth am sut mae'n gweithio. Rhoddodd sicrwydd i staff fod Rheoli Cyfleusterau yn gwneud yr elfen symudol, byddai'n rhaid i'r ysgol wneud y pacio yn unig, ond byddai'r amser hwnnw'n cael ei ddyrannu ar gyfer hynny.

## **Y Broses Ymgynghori**

- *Beth yw'r broses i rieni roi adborth? A oes sesiynau galw heibio wedi'u trefnu?*

Eglurodd BA y broses ymgynghori a rhoddodd fanylion am ba sesiynau sydd wedi'u trefnu ac eglurodd sut i gael mynediad atynt.

- *Beth sydd ar gael ar gyfer sefydliadau eraill? Beth os ydyn nhw'n gwrthwynebu'r cynigion?*

Dyweddod BA pe na bai Santes Monica am symud ymlaen gydag adleoli i safle Ysgol Mynydd Bychan, yna opsiwn 3 fyddai'r unig un a ystyrir ac y byddai'n rhaid iddo gael ei benderfynu gan y Cabinet.

Roedd hi'n deall y gallai ysgolion deimlo'n gymysg ynglŷn â'r cynigion. Dywedodd wrthyn nhw am ymateb fel Corff Llywodraethu yn seiliedig ar yr hyn maen nhw'n teimlo yw'r penderfyniad cywir ar gyfer eu hysgol.

## **Diwedd**

Gofynnodd y Cynghorydd Ahmed am amlinelliad syml o'r cynnig er mwyn iddo allu ei rannu gyda'r gymuned.

Diolchodd y Pennaeth i CTY am y cyflwyniad a dywedodd ei fod wedi helpu gydag eglurder o'r cynnig a'r broses ymgynghori.

Diolchodd RP i'r Llywodraethwyr am eu hamser a'u mewnbwn a daeth y cyfarfod i ben.



**Schools Programme  
Cofnod y Cyfarfod Staff  
Ysgol Mynydd Bychan  
18 Mai 2023**



**Yn bresennol:** Richard Portas (CTY), Michele Duddridge-Friedl (CTY), Brett Andrewartha (CTY), Rhian Carbis (CTY), Louise Flynn (AD), Sian Evans (Pennaeth YMB), Cai Maxwell (CTY) a staff YMB.

*Sylwer: Nid trawsgrifiad yw'r canlynol, ond nodyn o'r cyfarfod a wnaed ar y pryd.*

### **Croeso a Chyflwyniadau**

Roedd y cyfarfod yn rhan o'r ymgynghoriad ffurfiol ar newidiadau arfaethedig i'r ddarpariaeth gynradd yn gwasanaethu'r ardal.

Agorodd Sian Evans (SE) y cyfarfod a chroesawodd staff a chydweithwyr yn yr ALLau.

### **Beth sy'n cael ei gynnig?**

Cafwyd cyflwyniad gan RhC yn nodi manylion y newidiadau arfaethedig:

- Beth rydyn ni'n cynnig ei wneud?
- Pam fod y newidiadau'n cael eu cynnig?
- Pwy sy'n ymgynghori?
- Cefndir
- Cyd-destun penodol i'r ardal
- Niferoedd diweddar ac yn y dyfodol
- Map o'r ddarpariaeth Saesneg
- Niferoedd diweddar ac yn y dyfodol mewn ysgolion cymunedol Saesneg
- Map o'r ddarpariaeth Gymraeg
- Niferoedd diweddar ac yn y dyfodol mewn ysgolion cymunedol Cymraeg
- Data dyrannu derbyniadau diweddar (Dosbarth Derbyn): Albany, Allensbank a Gladstone
- Data dyrannu derbyniadau diweddar (Dosbarth Derbyn): Ysgol Mynydd Bychan
- Derbyn i ysgolion: Niferoedd Derbyn Dyraniadau mis Medi (Diwrnod cynnig, 17 Ebrill 2023) Data demograffeg: CYBLD (cyfrifiad ysgol)
- Ansawdd a Safonau'r ysgolion
- Trefniadaeth safle opsiwn 1
- Trefniadaeth safle opsiwn 2
- Ffederasiwn a chydweithio
- Trefniadaeth safle opsiwn 3
- Darpariaeth Anghenion Dysgu Ychwanegol
- Manteision Addysgol
- Effaith ariannol y cynigion – cyllidebau ysgolion
- Ystyriaethau eraill
- Beth sy'n digwydd nesaf?

Amlinellodd Louise (AD) fanylion y goblygiadau Adnoddau Dynol sy'n benodol i bob opsiwn. Byddai pob un o'r opsiynau yn effeithio ar YMB mewn ffordd debyg ac y byddai AD yn cynorthwyo'r staff a'r llywodraethwyr i ehangu staff yr ysgol.

## Holi ac Ateb

Gwahoddodd RP gwestiynau gan staff.

Nodir y pwyntiau a godwyd mewn *print italaidd* isod ac maent wedi'u grwpio yn ôl y pwyntiau a godwyd lle bo hynny'n briodol.

Gellir gweld ymateb y swyddog oddi tanynt.

## Opsiynau

- *Mae wedi bod yn 'anodd iawn' cael ymateb cryf gan ein rhieni yn YMB gan fod y tri opsiwn yn golygu'r un peth yn y bôn, sef symud safle'r ysgol. Rydym wedi ei chael hi'n anodd cael ymateb brwdfrydig.*

Dwedodd MDF efallai nad oes angen i un o'r tri opsiwn ddigwydd o gwbl mewn gwirionedd, ymgynghoriad ac nid refferendwm yw hwn. Mae targed Cymraeg 2050 yn dal i fod ar waith, ond does dim sicrwydd o gyrraedd y targed.

## Adeiladau

- *Cydnabod bod rhieni a staff YMB yn cefnogi cynyddu nifer y siaradwyr Cymraeg yn fawr. Teimlo pryder ynghylch addasrwydd adeilad Allensbank o ystyried ei statws fel adeilad rhestredig, a oedd CTY wedi bod mewn cyfathrebiadau â CADW ai peidio o ran dod i gytundeb ar gyfer newidiadau i adeilad yr ysgol.*

Dywedodd RP fod gan y tîm CTY gysylltiadau cryf â CADW ac roedd perthynas broffesiynol yno. Yn ogystal â hyn, mae Allensbank wedi derbyn mwy o gyllid a buddsoddiad o'r 3 ysgol gynradd cyfrwng Saesneg sy'n rhan o'r ymgynghoriad hwn.

Dwedodd MDF fod Cyngor Sir Caerdydd yn gyfrifol am nifer o adeiladau ysgol cynradd rhestredig, bydd y profiad hwn o weithio ar adeiladau rhestredig yn allweddol.

- *Pryderon ynghylch y posibilrwydd y byddai disgyblion yn gallu cael mynediad at iard yr ysgol o ystafelloedd dosbarth ar y llawr gwaelod. Nodwyd fod y Pennaeth blaenorol wedi buddsoddi'n helaeth yn adeiladau YMB presennol, bydd hyn yn her wrth symud ymlaen wrth geisio dod â'r rhieni gyda ni wneud y symudiad. Cwestiynodd hefyd a fyddai meithrinfa a dosbarth derbyn ill dau yn dechrau ar yr un pryd yn 2025.*

Dywedodd MDF y byddai CTY yn gweithio gyda'r ysgol i gynyddu nifer y lleoedd meithrin a derbynfeydd yn gynyddrannol dros amser, ni fyddai ar unwaith.

- *O ran yr £1.8 miliwn, ar gyfer beth y caiff ei ddefnyddio? Ai ar gyfer gwaith sydd angen ei wneud, beth sydd i atal yr holl beth yma rhag digwydd i ni i lawr y lein yr un fath ag Allensbank.*

Cydnabu RP fod hwn yn un o'r risgiau, wrth gynyddu maint y gofod yn raddol.

Dwedodd mai un fantais oedd agor eich adeilad i gynhyrchu incwm pellach o dan faner ysgolion bro.

- *Pryder ynghylch faint o waith adeiladu sydd angen ei wneud o hyd.*

Cynghorodd RP y byddai CTY yn gweithio'n agos gyda'r ysgol, mae'r adeiladau'n addas fel ag y maent, ond byddai rhywfaint o waith y mae angen ei wneud yn cael ei gwblhau cyn 2025.

### **Cyllid**

- *Er bod y Pennaeth yn cytuno â'r wybodaeth ariannol a gyflwynwyd, roedd pryderon ynghylch yr hinsawdd ariannol bresennol, fodd bynnag, bydd hi bob amser yn blaenoriaethu disgyblion yn yr ysgol.*

### **Proses**

- *Ydych chi'n ymwybodol o unrhyw brosesau blaenorol fel hyn yn digwydd, sut y byddwn yn cael mynediad at adeilad Allensbank a sut y cawn y berthynas honno gyda'r staff yn Allensbank? Pa gyngor allwch chi ei gynnig ar y ffordd orau i symud ymlaen gyda hyn tra hefyd yn dod â rhieni YMB gyda ni.*

Dywedodd MDF fod gan yr ysgol berthynas dda gyda'r rhieni a bod sawl gweithgaredd cymunedol y mae Ysgol Mynydd Bychan eisoes yn eu cynnal, gellir parhau gyda'r pethau hyn wrth symud ymlaen. O ran y berthynas ag Allensbank, byddai'r Cyngor yn cynghori i aros tan ddiwedd yr ymgynghoriad a gall unrhyw gamau a gaiff eu cymryd ar ôl hynny gael eu harwain gan CTY, gan ein bod wedi cefnogi prosesau fel hyn yn y gorffennol.

### **Niferoedd Disgyblion**

- *Faint o blant dalgylch YMB sy'n mynychu meithrinfeydd a dosbarthiadau derbyn ysgolion cynradd eraill? Cydnabu fod Ysgol Hamadryad wedi mynd allan i'r gymuned yn ardal ei hysgol i ddenu pobl i mewn, gan fynd i'r afael â phryderon ei fod yn 'addysg breifat' ac ati, deallwyd yr angen i fynd allan i'r gymuned.*

Dywedodd BA fod CTY yn dadansoddi data yn rheolaidd ac y byddai'n dychwelyd y wybodaeth hon i'r ysgol pan fydd ar gael.

Diolchodd RP i'r staff am eu hamser a'u mewnbwn a daeth y cyfarfod i ben.





**Schools Programme**  
**Cofnod o Gyfarfod y Corff Llywodraethu**  
**Ysgol Mynydd Bychan**  
**18 Mai 2023**



**Yn bresennol:** Richard Portas (CTY), Michele Duddridge-Friedl (CTY), Brett Andrewartha (CTY), Rhian Carbis (CTY), Louise Flynn (AD), Sian Evans (Pennaeth YMB), Cai Maxwell (CTY) a staff YMB.

*Sylwer: Nid trawsgrifiad yw'r canlynol, ond nodyn o'r cyfarfod a wnaed ar y pryd.*

### **Croeso a Chyflwyniadau**

Roedd y cyfarfod yn rhan o'r ymgynghoriad ffurfiol ar newidiadau arfaethedig i'r ddarpariaeth gynradd yn gwasanaethu'r ardal.

Agorodd Sian Evans (SE) y cyfarfod a chroesawodd staff a chydweithwyr yn yr ALLau.

### **Beth sy'n cael ei gynnig?**

Cafwyd cyflwyniad gan RhC yn nodi manylion y newidiadau arfaethedig:

- Beth rydyn ni'n cynnig ei wneud?
- Pam fod y newidiadau'n cael eu cynnig?
- Pwy sy'n ymgynghori?
- Cefndir
- Cyd-destun penodol i'r ardal
- Niferoedd diweddar ac yn y dyfodol
- Map o'r ddarpariaeth Saesneg
- Niferoedd diweddar ac yn y dyfodol mewn ysgolion cymunedol Saesneg
- Map o'r ddarpariaeth Gymraeg
- Niferoedd diweddar ac yn y dyfodol mewn ysgolion cymunedol Cymraeg
- Data dyrannu derbyniadau diweddar (Dosbarth Derbyn): Albany, Allensbank a Gladstone
- Data dyrannu derbyniadau diweddar (Dosbarth Derbyn): Ysgol Mynydd Bychan
- Derbyn i ysgolion: Niferoedd Derbyn Dyraniadau mis Medi (Diwrnod cynnig, 17 Ebrill 2023) Data demograffeg: CYBLD (cyfrifiad ysgol)
- Ansawdd a Safonau'r ysgolion
- Trefniadaeth safle opsiwn 1
- Trefniadaeth safle opsiwn 2
- Ffederasiwn a chydweithio
- Trefniadaeth safle opsiwn 3
- Darpariaeth Anghenion Dysgu Ychwanegol
- Manteision Addysgol
- Effaith ariannol y cynigion – cyllidebau ysgolion
- Ystyriaethau eraill
- Beth sy'n digwydd nesaf?

Amlinellodd Louise (AD) fanylion y goblygiadau Adnoddau Dynol sy'n benodol i bob opsiwn. Byddai pob un o'r opsiynau yn effeithio ar YMB mewn ffordd debyg ac y byddai AD yn cynorthwyo'r staff a'r llywodraethwyr i ehangu staff yr ysgol.

### **Holi ac Ateb**

Gwahoddodd RP gwestiynau gan staff.

Nodir y pwyntiau a godwyd mewn *print italaidd* isod ac maent wedi'u grwpio yn ôl y pwyntiau a godwyd lle bo hynny'n briodol.

Gellir gweld ymateb y swyddog oddi tanynt.

### **Adeiladau**

- *Fy nealltwriaeth i yw bod safle presennol YMB yn sylweddol llai na safle Ysgol Allensbank, hefyd a yw Llywodraethwyr YMB yn gallu ymweld neu weld safle ysgol Allensbank.*
- *Codwyd pryder ynghylch y lle oedd ar gael a'r gwaith y byddai angen ei wneud fel bo safle'r ysgol yn ddiogel.*
- *Codwyd pryder hefyd ynghylch y grant o £1.8 miliwn ac a oedd eisoes wedi'i wario.*

Dwedodd RP y bydd yr ALI a CTY yn gweithio ar y cyd â'r ysgol i weithio drwy syniadau a'r broses yn y dyfodol pe baent yn symud. Roedd buddsoddiad sylweddol eisoes wedi bod ar safle Allensbank, mae'n amgylchedd ysgol diogel gyda sgaffaldiau i fod i gael eu tynnu erbyn mis Rhagfyr 2023. Mae gwaith atgyweirio sylweddol i'r a gwaith buddsoddi mewn ffenestri yn parhau i ddigwydd yn yr ysgol. Dwedodd ei fod yn rhagweld, yn amodol ar sgysiau gydag YMB yng nghyd-destun y darpar safle newydd, y byddai darpariaeth ar gyfer arlwygo a PYADd yn ffocws allweddol ar gyfer gwella yn ogystal â gofod chwarae y tu allan i'r ystafell ddosbarth i'r iard; yn enwedig ar gyfer y Cyfnod Sylfaen. Nid yw cyflwr yr ysgol yn adfeiliedig, gellir ei ddefnyddio'n llawn fel ag y mae ar hyn o bryd. Nid yw'r un o'r pedair ysgol wedi'u cynnwys yn y cynigion hyn yn anniogel mewn unrhyw ffordd neu angen atgyweiriadau brys, mae buddsoddiad yn digwydd i warantu hyfywedd yr adeiladau ar gyfer y blynyddoedd i ddod.

Dywedodd MDF fod hon yn ardal drefol gyda phob ysgol yn yr ardal â lle awyr agored cyfyngedig; byddai gofod awyr agored safle Allensbank yn gynydd sylweddol dros yr hyn sydd gan Ysgol Mynydd Bychan ar hyn o bryd.

**Ategodd RP y bydd yr holl arfaethedig i Allensbank gan gynnwys gwariant ychwanegol Llywodraeth Cymru o £1.8 miliwn yn cael ei wneud cyn i'r ysgol symud gyda'r targed o wneud y gwaith hwn yn ystod gwyliau'r haf cyn y symud ym mis Medi 2025.**

- *Poeni am y manau awyr agored; ar hyn o bryd mae gan Ysgol Mynydd Bychan ystafelloedd dosbarth sy'n agor allan i'r iard sy'n cyd-fynd yn benodol â'r*

*Cwricwlwm i Gymru. Ni fyddai'r ysgol eisiau bod mewn sefyllfa waeth o ran ei hystafelloedd dosbarth. Dyma sydd gan YMB ar hyn o bryd, byddai am weld ailadrodd neu wella ar y ddarpariaeth sydd gennym eisoes ar y safle newydd arfaethedig yn Allensbank.*

- Pryder ynghylch y cyfnod amser sydd ei angen i gadarnhau a allwn gael gofod â mynediad at yr awyr agored, drysau a mynediad at yr iard o ystafelloedd dosbarth ar y llawr gwaelod. A fydd hyn yn cymryd chwe mis neu ddwy flynedd?*
- A ellir dechrau proses gyda CADW i sicrhau parodrwydd erbyn 2025 pan fyddai'r symudiad arfaethedig yn digwydd.*
- Cais am sicrhau bod yr amod diweddaraf yn yr adroddiad ar gael i Lywodraethwyr Ysgol Mynydd Bychan i wneud penderfyniad cywir ynghylch ble maent yn sefyll wrth symud ymlaen. Ar hyn o bryd nid oes unrhyw wybodaeth ar gael iddynt ddeall yn union beth yw sefyllfa'r adeilad yn Ysgol Gynradd Allensbank. Dywedodd pan fydd gan y Llywodraethwyr YMB yn gweld hyn yna gellir sicrhau ffrynt mwy unedig o ran ymateb i'r ymgynghoriad.*

Dywedodd MDF, unwaith y bydd cytundeb neu ganlyniad wedi'i sefydlu, yn wir y gellid dechrau prosesau. Byddai'r adroddiad cyflwr yn cael ei ddarparu cyn gynted ag y bydd ar gael.

- Pryder ynghylch y camwybodaeth a'r gwallau, gan holi beth mae'r Cyngor yn ei wneud i brosesu a mynd i'r afael â'r ymatebion hyn o bob ochr. Pryder mai Ysgol Mynydd Bychan yw'r targed.*

Dwedodd MDF mai'r wybodaeth sy'n cael ei rhyddhau gan CTY a'i thrafod mewn cyfarfodydd ymgynghori yw'r ffynhonnell gywir o wybodaeth, ni fyddai'n bosibl nac yn deg rheoli'r wybodaeth a drafodir gan eraill. Dwedodd nad refferendwm yw hon ond ymgynghoriad.

Diolchodd RP i'r Llywodraethwyr am eu hamser a'u mewnbwn a daeth y cyfarfod i ben.